



JL 6
2529
30





門 2529  
號 2529  
卷 49-30

吉林通志

吉林通志卷七十六

人物志五

金四

薩哈

宗憲

希卜蘇

宗亨

宗賢

實圖美

都古嚕訥

實實

思敬

斡魯

烏楞古

博勒和

棟摩

宗敘

羅索

和尼

默音

吉林通志卷七十六



實古納

哈里

尼楚赫

古雲

瑪奇

烏色

巴爾斯

實古納

薩哈

原作撒改

景祖孫韓國公和卓

原者

之長子世祖之

兄子也

金史本傳

景祖九子元配唐古

原唐括

氏生和卓

於次最長景祖方討定諸部

本紀

綱漸立

本紀

愛世祖

膽勇材略及諸子長國俗當異宮居

本傳

景祖曰和卓

柔和哩布

原里鉢勃

有器量智識何事不成乃命和

卓與世祖同居

本紀

和卓專治家務世祖主外事

本傳景

祖擒巴哩美

原乙門拔

獻於遼主遼主以為生女直部

族節度使遼人呼節度使為太師金人稱都太師者

自此始景祖卒世祖繼之

本紀

世祖越噶順

原効孫

而傳

肅宗穆宗皆景祖志也

本傳

穆宗復傳世祖之子至於

太祖竟登大位焉

本紀

初景祖嘗以幣與馬求國相於

雅達以命肅宗

和諾克傳

穆宗初襲位念和卓長兄不得

立遂命薩哈為國相穆宗履藉父兄趾業鋤除疆梗

不服已者

本傳

使太祖伐巴圖

原跋忒

巴圖亡去錫馨

原

星水赫舍哩

原石烈紇

部阿蘇

原阿疏

穆都哩

原睹祿

阻

兵為難穆宗自將伐阿蘇薩哈以偏師攻通恩



城拔之本紀先是穆宗使薩哈取瑪奇原作馬紀嶺道攻阿

蘇穆宗自將期阿蘇城下會軍薩哈行次阿卜薩原作

塞阿不水烏雅部原作烏延色埒原作斜勒貝勒來謁謂薩哈曰

聞國相將與太師會軍阿蘇城下此為深入必取之

策宜先撫定珊沁原作潺蠢錫馨之路落其黨附奪其民

人然後合軍未晚也薩哈從之攻通恩城請濟師穆

宗與之薩哈遂攻下通恩城而與穆宗來會蘇阿城

下通恩在南阿蘇在北穆宗初遣薩哈分道即會攻

阿蘇聞其用色埒計先取通恩城與初議不合頗不

然之及遼使來止勿攻阿蘇然後深以取通恩城為

功也本傳用為都統與太祖攻破埒克城誅其渠帥取

孛累貲產而還宏簡錄卓多原作詐多烏塔原作塢塔通恩皆降

本傳康宗既沒太祖稱達貝勒原作都勃極烈與薩哈分治諸

部必塔原作匹脫水以北太祖統之拉林原作漉流水人民薩

哈統之明年本傳丙午六月太祖至江西遼使使來致

襲節度使之命遼主好畋獵淫酗怠於政事本紀太祖知

遼可伐遂起兵金史本傳九月太祖進軍甯江州次寥晦

城駐高阜薩哈仰見太祖體如喬松所乘馬如岡阜

之大太祖亦視薩哈人馬異常薩哈因白所見太祖

喜曰此吉兆也即舉酒酌之異日功成當識此地師



次唐古特旺結原作唐括帶幹甲之地諸軍介而立有光起

於人足及戈矛上明日至扎扎水原作扎只光復如初五行

志人以爲祥將至遼界先使宗幹督士卒夷塹既渡

遇渤海軍攻我左翼七穆昆眾少卻敵兵直犯中軍

舍音原作斜也出戰齋達原作哲垠先驅太祖曰戰不可易也

遣宗幹止之宗幹馳出舍音前控止齋達馬舍音遂

與俱還敵人從之耶律色實原作謝十墜馬遼人前救太

祖射救者斃併射色實中之有騎突前又射之徹札

洞胷色實拔箭走追射之中其背飲矢之半憤而死

獲所乘馬宗幹與數騎陷遼軍中太祖救之免胄戰

或自旁射之矢拂於額太祖顧見射者一矢而斃謂

將士曰盡敵而止眾從之勇氣百倍敵大奔相蹂踐

死者十七八時薩哈在別路太祖使人以戰勝告之

而以色實馬賜之本紀薩哈及將士皆驩呼曰義兵始

至遼界一戰而勝滅遼自此必矣遣子宗翰及完顏

希尹原作古新來賀捷因勸進本傳太祖曰一戰而勝遂稱

大號何示人淺也本紀十月師克甯江州本傳初命諸路

以三百戶爲穆昆原作謀克十穆昆爲明安原作猛安十一月

遼都統蕭嘉哩原作弘里副都統托卜嘉將步騎十萬會

於鴨子河北太祖自將擊之與敵遇於珠赫店原作出河



會大風塵埃蔽天乘風勢擊之遼兵潰逐至沃棧原作

幹論樂殺獲首虜及車馬甲兵珍玩不可勝計徧賜官

屬將士燕犒彌日師還十二月太宗薩哈希卜蘇原作

習不出率諸將復勸進本傳願以新歲元日恭上尊號本紀

收國元年正月朔太祖卽位薩哈行國相如故伐遼

之舉決於都古嚕訥原作古乃其大計實自薩哈啟之薩

哈自以宗室近屬且長房繼肅宗爲國相既貴且重

故身任大計贊成如此諸人莫之或先也太祖卽位

羣臣奏事薩哈等前跪上起立止之曰今日功成皆

諸君協輔之力吾雖處大位未易改舊俗也薩哈等

感激再拜謝凡臣下宴集太祖嘗赴之主人拜上亦

答拜天輔後始正君臣之禮焉七月太宗爲安班原作

諸班貝勒授薩哈古倫原作國論貝勒希卜蘇愛滿原作阿買貝

勒杲古倫齋原作國論貝勒所謂貝勒原作極烈者蓋女

直之尊官也自太祖正位號凡半載未聞有封拜太

宗介弟優禮絕等杲母弟之最幼者薩哈希卜蘇以

宗室同封拜本傳皆異數也宗室勛傳九月加古倫烏赫哩

原作國倫胡魯貝勒天輔五年閏五月辛巳薨本紀太祖往弔

乘白馬勢額哭之慟及葬復親臨之賙以所御馬薩

哈爲人敦厚多智長於用人居純儉自始爲國相



能馴服諸部訟獄咸得其情當時有言不見國相事

何從決及舉兵伐遼薩哈每以宗臣為內外倚重不

以戰多為其功也天會十五年追封燕國王本傳天德

二年二月太廟祫祭有司擬上配享功臣詔以薩哈

等東向配太祖位禮志正隆降封陳國公大定三年改

贈金源郡王配饗太祖廟廷諡忠毅十五年詔圖像

衍慶宮子宗翰宗憲本傳扎保迪依詳校本增宗翰別有傳

金史本傳

宗憲本名阿蘭原作敖拉宏簡錄作阿懶薩哈子薩哈傳女直初無

文字宗室勛傳天會三年字書成命頒行之希尹傳宗憲年

十六選入學太宗幸學與諸生俱謁進止恂雅金史本傳

令誦所習女直字書語音清亮兼通契丹漢字善應

對宏簡錄侍臣奏曰此左副元師宗翰弟也上嗟賞久

之未冠從宗翰伐宋汴京破眾人爭趨府庫取財物

宗憲獨載圖書以歸本傳金初庶事草創禮志朝廷議制

度禮樂往往因仍遼舊宗憲曰方今奄有遼宋當遠

引前古因時制宜成一代之法何乃近取遼人制度

哉希尹原作古新曰而意與我甚合由是器重之本傳天眷

元年本紀達蘭宗雋倡議以齊地與宋本傳謂我委地與

宋必然德我宏簡錄宗雋傳宗憲廷爭折之本傳曰我俘宋父

吉林通志卷七十六



子兄弟怨匪一日若復資以土地是助讎以戕我何德之有

宏簡錄 宗雋傳

當時不用其言其後宗弼復取河南

陝西地如宗憲策以捕宗磐宗雋功授昭武大將軍修國史累官尙書左丞熙宗嘗從容謂之曰嚮以河南陝西地與宋人卿以爲不當與今復取之是猶用卿言也卿識慮深遠自今以往其盡言無隱宗憲拜謝遂攝門下侍郎初熙宗以疑似殺希尹本傳久乃憫惜語以希尹有大功朕將錄用其孫對曰陛下所念至深死生幸甚以臣言之若不先明死者無罪生者何由得仕上是其言宏簡錄即日復希尹官爵用其孫

守道爲應奉翰林文字

本傳後至宰相

宏簡錄

皇統五年

將肆赦議覃恩止及女直人宗憲奏曰莫非王臣慶

幸豈可有間耶

本傳

宜廣配天之澤永昭凝命之庥可

大赦天下內外大小職官並與覃恩

大金集禮

遂改其文

使均被焉轉行臺平章政事天德初爲中京留守武安軍節度使封河內郡王改太原尹進封鉅鹿郡王正隆例奪王爵再遷震武軍節度使世宗卽位遣使召之詔曰叔若能來速至此若爲赫舍哩志甯

連

白彥敬

本名

所過亦不煩叔憂宗憲聞世宗卽位

先已棄官來歸與使者遇於中都遂見上於小遼口



除中都留守卽遣赴任詔與元帥完顏古雲

原作同  
毅英

議軍事明年改西京留守八月改南京布薩忠義

本名

烏哲自行臺朝京師宗憲攝行臺尙書省事召爲太子

太師上謂宗憲曰卿年老舊人更事多矣皇太子年

尙少謹訓導之俄拜平章政事太子太師如故詔以

太祖實錄賜宗憲及平章政事完顏元宜左丞相赫

舍哩良弼

本名羅索

判秘書監溫王爽各一本伊喇皋善

努

原作移刺  
高山奴

前爲甯州刺史以貪污免世宗以功臣

子孫宗族中無顯仕者以爲秘書少監是時母喪未

除有司奏其事宗憲曰皋善努傲狠貪墨不可致之

左右世宗曰朕以其父祖有功爾旣爲人如此豈可

玷職位哉追還制命因顧左丞蘇保衡參政石琚曰

此朕之過舉不可不改卿等當盡心以輔朕也有司

言諸路明安穆昆怙其世襲多擾民請同流官以三

十月爲考詔下尙書省議宗憲乃上議曰太祖皇帝

撫定天下誓封功臣襲明安穆昆今若改爲遷調非

太祖約臣謂凡明安穆昆當明覈善惡進賢退不肖

有不職者其弟姪中更擇賢者代之上從其議進拜

右丞相

本傳

大定五年上世宗尊號表略曰膺帝命而

履寶位是謂應天因人心而啟洪基是爲興祚遠人



來附綏之而已乃修德以尙文得不謂仁文乎王略  
既宣服之而已不窮兵而黷武得不謂義武乎本之  
以事無不通之聖擴之以遠無不燭之明能廣前人  
之有聲實曰天子之至孝合茲眾美允矣公言臣等  
不勝大願謹固請加上尊號曰應天興祚仁文義武  
聖明至孝皇帝詔卻禮册宗憲再上表曰函章屢貢  
宸聽未回雖聖心能以自儆在臣下有所未安夫簡  
在上帝之心謂之應天紹復先王之業謂之興祚仁  
以守位德以撫民無所不通非聖孰能與此先之以  
愛夫孝何以加乎道備至明名非虛美臣等不勝大

願謹固加上尊號曰應天興祚仁德聖孝至明皇帝

詔去至明二字餘用勉從大金集禮大定六年九月癸丑

薨本紀年五十九上輟朝悼惜久之命百官致奠賻銀

一千五百兩重綵五十端絹五百匹金史本傳

希卜蘇原作習不失本作辭不失後為希卜蘇昭祖之孫

烏肯徹原作烏古出之次子也金史本傳希卜蘇健捷能左右

射世祖襲節度使肅宗與拒和諾克薩克達戰於烏

嚙斯哈珠原作翰魯紺出水再失利世祖至將士無人色世

祖使希卜蘇先陣於托果原作豁改原而身出搏戰敗其

步軍希卜蘇自陣後奮擊之敗其騎軍所乘馬中九



矢不能馳遂步趨而出方戰其外兄烏格原作烏葛名善

射居敵中將射希卜蘇熟視識之呼曰此小兒汝一

人事乎何為摧鋒居前如此以弓弮擊馬首而去是

役也希卜蘇之功居多和諾克既敗希卜蘇馬棄陣

中者亦自歸世祖嘗疑珠嘉布勒圖原作朮甲字甲篤或與

烏春等為變遣希卜蘇單騎往觀布勒圖與呼嚕置

酒樓上以飲之希卜蘇聞其私語昵昵若將執已者

一躍下樓傍出藩籬之外棄馬而歸其勇趨如此博

諾原作孟乃約烏春舉兵世祖至蘇蘇海甸與烏春遇肅

宗前戰色塔原作斜列希卜蘇佐之束縕縱火煙燄蔽天

本傳是時八月并青草皆焚之我軍隨煙衝擊本紀大敗

烏春執博諾以歸本傳大安八年肅宗自國相襲位太

祖獲瑪察殺之獻馘於遼本紀遼人賞功穆宗太祖罕

都希卜蘇皆為詳袞焉後與阿里罕原作阿離合懣威泰原作

幹俱佐薩哈攻塔克原作留可城下之太祖伐遼使領兵

千人夾侍左右珠赫店原作出河之役惟希卜蘇之策與

太祖合卒破十萬之師挫其軍鋒遂與太宗薩哈等

勸進收國元年七月與薩哈杲同日授為貝勒希卜

蘇為愛滿原作阿買貝勒云天輔七年太宗與希卜蘇居

守本傳鄆王昂以兵四千與蘇赫監護諸部降人處之



嶺東就以兵守臨潢府昂不能撫御降人苦之多叛  
亡者上聞之詔太宗曰比遣昂監徒諸部違命失眾  
當置重法若有所疑則禁錮之俟師還定議耶王於  
是遼人以燕京降宋人約歲幣本傳三月甲寅朔世宗  
生史作三月依是日將誅昂本紀參昂傳希卜蘇謂太宗  
曰兄弟骨肉以恩掩義甯屈法以全之今國家疊有  
大慶可減昂以無死若主上有責言以我為說太宗  
然之遂杖昂七十拘之泰州而斬蘇赫昂傳以聞本傳後  
昂為平章政事昂傳太祖每伐遼輒命希卜蘇居守雖  
無方面功而倚任與薩哈比侔矣是歲七月薨太祖

班師道病太宗奉迎謁見恐太祖感慟而病轉甚不

敢以薨告太祖輒問曰愛滿貝勒今安在太宗給對

曰當卽至矣本傳天德二年配饗太祖禮志正隆二年贈

開府儀同三司追封曹國公大定三年追封金源郡

王諡曰毅武史作忠毅依十五年詔圖像衍慶宮薩哈

傳依詳子呼沙呼原作鶻沙虎國初有功天會中為真

定留守子托卜嘉金史本傳

宗亨本名托卜嘉原作撻不也呼沙呼子希卜蘇之

孫也宗賢性忠謹天眷史作天輔依初充護衛擒宗

磐宗雋有功加忠勇校尉遷昭信校尉尙廩局直長



三年升本局副使丁父憂時宗正官屬例以材選宗  
亨在選中起復為烏克遜達原作淑宗室將軍改會  
宵府少尹歷登州刺史改獻州刺史史有澤州定三字依詳校本削  
為特們羣牧使同知北京路轉運使改同史作澤依詳校本改  
州定國軍節度使海陵南伐以本職領武揚軍都總  
管金史本傳過淮世宗即位班賜手詔入朝授右宣徽使  
未幾為西北路兵馬都統討契丹幹罕原作窩幹令統萬  
戶富察世傑原作烏延查刺七穆昆兵以為左翼賊兵來犯  
世傑奮擊敗之宗亨指畫失宜遂敗回又縱軍士取  
賊所棄資囊人畜而自有之坐降甯州刺史

宗賢本名色哩原作賽里希卜蘇之孫也從都統杲取中

京史作原依詳校本改襲遼帝於鴛鴦灤金史本傳遼主奔西京宗

翰追至白水灤不及紀本使達蘭原作撻懶襲耶律瑪格原作

馬哥都統使普嘉努原作蒲家奴及色哩等以兵助之普嘉

努使色哩舍音原作斜也費摩原作裴蒲呼達原作胡撻達嚕噶原作

達魯原作厮列耶律烏舍原作律吳等各率兵分行招

諭獲遼留守迪越家人輜重并降羣牧官穆隆阿原作

木盧原作得馬甚多使逐水草牧之色哩等趨伊德原作業德

遂以偏師深入敵邀擊之本傳瓜爾佳薩哈本紀原

沒普嘉努至旺國崖西色哩兵會之本傳乃旋師本紀累



官至左副檢點天眷二年本傳七月克國王宗雋謀反

伏誅本紀凡與宴飲者皆貶削宗磐傳色哩坐奪官爵未

幾復官本傳歸宋帝母章氏及故妻邢氏天水郡王並

妻鄭氏喪於江南本紀依詳校本增皇統四年授世襲穆昆

轉都點檢封幽國公拜平章政事進拜右丞相兼中

書令進拜太保左丞相監修國史罷為左副元帥復

為太保左丞相左副元帥如故進太師領三省事兼

都元帥監修國史出為南京留守領行臺尙書省事

復為左副元帥兼西京留守再為太保領三省事復

為左丞相兼都元帥色哩自護衛未十年位兼將相

常感激思自效以報朝廷雖於悼后為母黨后專政

大臣或因之以取進用色哩未嘗附之皇太子濟安

薨魏王道濟死熙宗未有嗣子色哩勸熙宗選後宮

以廣繼嗣不少顧忌於后后以此怨之與海陵同在

相位未嘗少肯假借海陵雖專史作尊依而心憚色

哩外以屬尊加禮敬而內常忌之海陵知悼后怨色

哩因與后共力排出之色哩亦不以事少變胙王常

勝死熙宗納其妻宮中頃之殺悼后及妃數人將以

常勝妻為后未果也及海陵弒熙宗詭以熙宗將以

立后召諸王大臣色哩聞召以為信然將入宮謂人



曰上必欲立常勝妻爲后我當力爭之及被執猶以

爲熙宗將立常勝妻而先殺之也曰誰能爲我言者

我死固不足惜念主上左右無助爾遂遇害金史本傳

實圖美原作石土門漢字一作神徒門扎蘭原作耶懶路完顏

部人世爲其部長父卓巴納原作直離海始祖弟博和哩

原作保活里四世孫金史本傳金之始祖諱函普初從高麗來

年已六十餘矣兄阿庫納原作阿古迺好佛留高麗不肯

從曰後世子孫必有能相聚者吾不能去也獨與弟

博和哩俱始祖居完顏部布爾罕原作僕幹水之涯博和

哩居扎蘭其後呼實默原作胡十門以哈斯罕原作曷蘇館歸

太祖自言其祖兄弟三人相別而去蓋阿庫納之後

實圖美都古嚙訥原作迪古乃博和哩之裔也本紀雖屬同

宗不相通問久矣景祖時卓巴納使部人密遜原作遯孫

來請復通宗系景祖留密遜歲餘厚其餼廩飲食善

遇之及還以幣帛數篋爲贈結其厚意久之扎蘭歲

饑景祖與之馬牛爲助糴費使世祖往致之會世祖

有疾實圖美日夕不離世祖疾愈辭歸與握手爲別

約他日毋相忘實圖美體貌魁偉勇敢善戰質直孝

友疆記辯捷臨事果斷世祖襲位交好益深隣部不

悅遂合兵攻之實圖美使弟阿索美原作阿斯懣率二百



人南下拒敵敵兵干人已出其東據高泉實圖美將

五十人迎擊之原作干依敵將阿爾本原作幹者勇

士也出挑戰實圖美射中其馬阿爾本反射射中實

圖美腹實圖美拔箭戰愈力阿索美與勇士七人步

戰殺阿爾本諸部兵遂敗實圖美遂招諭諸部使附

於世祖世祖嘉之後伐烏春烏木罕本與們圖琿降

穆嚕密斯罕原作米里城獲通恩原作達薩塔原作

德皆以所部從戰有功弟阿索美尋卒及終喪大

會其族太祖率官屬往焉就以伐遼之議訪之方會

祭有飛鳥自東而西太祖射之矢貫左翼而墜實圖

美持至上前稱慶曰烏鳶人所甚惡今射獲之此吉

兆也即以金版獻之後以本部兵從擊高麗及伐遼

功尤多王師攻下西京賜以金牌其子察遜原作從

行上謂曰吾妃之妹巴克織原作在遼俟其獲當以

爲汝婦竟如其言上之西征諸將皆從實圖美乃率

善射者三百人來衛京師時太宗居守喜其至親出

迎勞繼聞黃龍府叛與睿宗討平之賜以奴婢五百

人師還賞賚優渥至是卒年六十一正隆二年封金

源郡王金史大定間定亞次功臣圖像衍慶宮十三

詳校子實實思敬金史



都古嚙訥原作迪字鄂思歡原作阿實圖美之弟太

祖器重之金史本傳癸巳太祖襲位本紀將伐遼而未決也

欲與都古嚙訥計事於是宗翰宗幹完顏希尹皆從

本傳過其家宏簡錄居數日少閒太祖與都古嚙訥馮肩

語曰我此來豈徒然也有謀於汝汝為我決之遼名

為大國其實空虛主驕而士怯戰陣無勇可取也吾

欲舉兵仗義而西君以為如何都古嚙訥曰以主公

英武士眾用命遼帝荒於畋獵政令無常易為也太

祖然之明年遂伐遼使博勒和原作婆來徵兵都古

嚙訥以兵會師收國元年十二月上禦遼主兵次約

囉原作交會諸將議皆曰遼兵號七十萬其鋒未易

當吾軍遠來人馬疲乏宜駐於此深溝高壘以待從

之遣都古嚙訥尼楚赫原作銀鎮達嚙噶原作達

年四月乙丑本紀與幹魯芬徹原作會烏楞古原作幹

討高永昌本傳五月擒高永昌以獻戮之本紀東京降遂

與烏楞古禦耶律聶哱原作敗之蒺藜山本傳追北至

額勒錦原作阿遂拔顯州烏楞古傳乾惠等州降天輔二

年與羅索原作俱入見上曰遼主近在中京而敢輒

來本傳杖之本紀太祖駐軍草濼都古嚙訥取奉聖州破

其兵五千於雞鳴山奉聖州降太祖入燕都都古嚙



訥出德勝口代實圖美為扎蘭路達貝勒天會二年

史無天會字以扎蘭地斥鹵遷其部於蘇伯水以珠

蘇爾原作木之田益之熙宗即位加太子太師十四

年加保大軍節度使同中書門下平章事薨天德二

年配饗太祖廟廷大定二年進封金源郡王金史本傳十

五年圖像衍慶宮實實諡明毅依詳校本增

實實原作習室一作習失扎蘭河人金源郡王實圖美之子思

傳康宗四年丙戌高麗遣黑歡方石來賀襲位遣博

羅原作魯報之高麗約還諸亡在彼者乃使阿古原作阿

雙寬往受之高麗背約殺二使者築九城於海蘭甸

以兵數萬來攻本紀實實從烏色原作軍金史本傳敗之本紀

太祖攻甯江州實實摧鋒力戰授明安從舍音原作斜也

克中京襲遼主於鴛鴦灤略定山西史無西字依詳校本增敗

夏將李良輔與羅索原作婁室俱獲遼帝於伊都谷宗翰

伐宋與尼楚赫原作銀木可圍守太原明年攻襄垣下潞

城降西京至汴元帥府以懷孟北阻太行南瀕河控

制險要使實實統十二明安軍鎮撫之於是殄平寇

盜招集流亡四境以安天會四年薨熙宗時贈特進

大定間諡威敏禮志卷三十一一作毅武太廟祫享以

舍音幹魯薩哈實實鄂斯歡配饗太祖禮志世宗思太



祖太宗初業艱難求當時羣臣勳業最著者圖像衍

慶宮遼王舍音金源郡王薩哈原作撒改遼王宗幹秦王

宗翰宋王宗望梁王宗弼金源郡王希卜蘇原作習不失

金源郡王幹魯金源郡王希尹原作古新金源郡王羅索

楚王宗雄魯王棟摩原作闍母金源郡王尼楚赫隋國公

阿里罕原作阿離合懣金源郡王完顏忠豫國公普嘉努原作

蒲家奴金源郡王薩里罕原作撒離喝兗國公劉彥宗特進

烏楞古原作翰魯古齊國公韓企先并實實凡二十一人

初海陵罷諸路萬戶置蘇伯原作蘇濱路節度使世宗時

近臣奏請改蘇伯為扎蘭節度使不忘舊功上曰蘇

伯扎蘭二水相距千里節度使治蘇伯不必改實圖

美親管明安子孫襲封者可改為扎蘭明安以示不

忘其初金史本傳

思敬本名薩哈原作撒改實實弟也史作希卜蘇弟初名

思恭避顯宗諱改焉體貌雄偉美鬢髯純直有材幹

年十一從其父謁見太祖太祖在納琳原作納鄰淀方獵

因詔從獵射黃羊獲之太祖賜以從馬宗翰自太原

伐宋從其兄實實攻太原宗翰取河南思敬從完顏

和尼原作活女涉河清史作涉渡河依詳校本改河清下洛陽圍汴皆有

功師還隸遼王宗幹麾下太宗幸東京溫湯思敬權



護衛押衛卒百人從行領穆昆從征珠格麟原作虎麟

有功遂充護衛天眷二年以捕宗磐宗雋功遷顯武

將軍熙宗捕魚混同江網索絕曹國王宗敏乘醉鞭

馬入江手引繫網大繩沈於水中熙宗呼左右救之

倉卒莫有應者思敬躍入水引宗敏出熙宗稱歎賞

賚甚厚擢右衛將軍襲扎蘭路萬戶授世襲穆昆皇

統七年召見賜以襲衣廐馬錢萬貫及歸復遣使賜

弓劍是年入為工部尚書改殿前都點檢無何為吏

部尚書天德初為報諭宋國使宋人以舊例請觀錢

塘江湖思敬不觀曰我國東有巨海而江水有大於

錢塘者竟不往使還拜尚書右丞罷為真定尹用廉

封河內郡王徙封鉅鹿丁母憂起復本官改益都尹

正隆二年例奪王爵改慶陽尹大定二年授西南路

招討使封濟國公兼天德軍節度使俄為西北路都

統史無西字依詳校本增佩金牌及銀牌二西北路招討使唐

古布古岱原作唐括李古底副之詔布古岱曰爾兵少思敬

未至不得先戰布薩忠義原作僕散忠義敗斡罕原作窩斡於陷

泉詔思敬選新馬三千備追襲斡罕入於奚中思敬

為元帥右都監以舊領軍入奚地漳格原作張哥宅會大

軍討之敗節度特默原作特未也獲二百餘人賊降將碩



和卓原作稍合付與其黨錫勒塔干原作神獨幹執幹罕并其

母蘇尼妻子弟姪家屬及金銀牌印詣思敬降思敬

獻俘於京師賜金百兩銀千兩重綵四十端玉帶廢

馬名鷹拜右副元帥經略南邊駐山東罷為西京留

守復拜右副元帥仍經略山東初明安穆昆屯田山

東各隨所受地土史作主依詳校本改散處州縣金本史傳世宗不

欲明安穆昆與民雜處欲使相聚以居遣戶部郎中

完顏讓往元帥府議宏簡錄思敬與山東路總管圖克

坦原作徒單克甯議曰大軍方進伐宋宜以家屬權寓州

縣量留軍眾以為備禦俟邊事甯息明安穆昆各使

聚居則軍民俱便還奏上從之其後遂以明安穆昆

自為保聚其田土與民田犬牙相入者互易之三年

四月召還京師以為北京留守賜金鞍勒馬七年召

為平章政事先是省併明安穆昆及海陵時無功授

穆昆者皆罷之失職者甚眾思敬思量才用之上從

其請九年拜樞密使上疏論五事其一女直人可依

漢人以文理選試其二契丹人可分隸女直明安其

三鹽灤官可罷去其四與明安同勾當副千戶官亦

可罷其五親王府官屬以文資官擬注教以女直語

言文字上皆從之其後女直人試進士瓜爾佳衡原作



夾谷尼瑪哈鑑原作尼古鑑圖克坦鑑原作徒單鑑完顏匡輩

由此致宰相思敬啟之也久之上謂思敬曰朕欲修

熙宗實錄卿嘗為侍從必能記其事蹟對曰熙宗時

內外皆得人風雨時年穀豐盜賊息百姓安此其大

概也何必餘事上大悅世宗喜立事故其微諫如此

大定十三年薨上輟朝親臨喪哭之慟曰舊臣也賻

贈有加葬禮悉從官給孫吾侃尤特大定二十四年

除明威將軍授蘇伯原作速濱路寶鄰山明安金史本傳

幹魯韓國公和卓原作勃者弟二子金史本傳康宗二年甲申

威泰原作幹帶治蘇伯水原作蘇濱諸部烏色原作幹賽幹魯佐之

定諸部而還久之高麗殺行人阿古雙寬而築九城

於海蘭甸烏色傳烏色母疾幹魯代將其兵者數月亦

對築九城與高麗抗本傳亦字上史有幹魯字冠出戰入

守烏色因之卒敗高麗宏簡錄收國二年四月詔統諸

軍詔字下有幹魯字依詳校本削與棟摩原作闔母芬徹原作蒲查都古嚙訥

原作迪古乃合咸州路都統烏楞古原作魯古等伐高永昌

詔曰永昌誘脅戍卒竊據一方直投其隙而取之爾

此非有遠大計其亡可立待也東京渤海人德我舊

矣易為招懷如其不從即議進討無事多殺高永昌

渤海人在遼為裨將本傳領兵三千屯東京八甌口見



遼政日衰妄意非常乘東京漢人有怨誘諸渤海并

其戍卒入據東京旬月之間遠近響應宏簡錄有兵八

千人遂僭稱帝改元隆基遼人討之永昌使托卜嘉

原作撻標哈以幣求救於太祖且曰願并力以

取遼太祖使華沙布往諭之曰同力取遼固可東京

近地汝輒據之以僭大號可乎若能歸款當處以王

爵永昌表辭不遜本傳乃詔幹魯統內外諸軍伐之幹

魯方趨東京遼兵六萬來攻昭蘇原作昭散城額圖原作

阿圖貝勒鄂蘭沙津原作烏論台準與戰於伊圖原作益之地

大破之五月幹魯取瀋州永昌聞而大懼使家奴道

拉資金印銀牌願去名號稱藩宏簡錄幹魯使華

沙布薩巴往報之會渤海高楨降言永昌非真降者

特以緩師爾進兵進兵上有幹魯字依詳校本削永昌遂殺華沙布

等率眾來拒遇於鄂爾和原作沃里活水我軍既濟永昌

之軍不戰而卻逐北至東京城下明日永昌盡率其

眾來戰復大敗之遂以五千騎奔長松島初太祖下

甯江州獲東京渤海人皆釋之往往中道亡去諸將

請殺之太祖曰既已克敵下城何為多殺昔先太師

破敵獲百餘人釋之皆亡去既而招其部人來降今

此輩亡後日當有效用者至是東京人恩勝努仙格



原作奴先哥等執永昌妻子以城降即宵江所釋東京勸

海人也太師蓋謂世祖云未幾托卜嘉執永昌及道

拉以獻皆殺之於是遼之南路係籍女直及東京州

縣盡降以幹魯為南路都統德特原作貝勒留烏珍

知東京事詔除遼法省賦稅置明安穆昆一如本朝

之制九月幹魯字依朝於巴喇密特原作婆水上慰

勞之辛亥幸其第史作幸幹魯第張宴官屬皆預賜

賚有差矩威原作水部錫勒哈達原作實殺綽哈原作

斡布古德原作僕幹魯分和隆果烏珍原作胡刺之

兵討之酬哈宗室子一百至希爾哈原作石河錫勒

哈達遯去追及於哈達拉原作合山誅其首惡四人

撫定餘眾本下詔嘉獎分其民三百戶為一穆昆推

眾所服者領之仍質其子弟而還宏簡天輔六年三

月本從都統杲幹魯字依襲遼主本於鴛鴦灤本遼

主西走西京已降復叛敵據城西浮圖下射攻城者

乃與幹魯字乃字依哈布爾原作鶻攻浮圖奪之復

以精銳乘浮圖下射城中遂破西京夏國使李良輔

史作仁輔依將兵三萬來救遼次於天德之境羅索

原作與幹魯合軍擊敗之追至野谷殺數千人夏人

渡澗水水暴至漂溺者無算遼王在陰山青冢之間



幹魯爲西南路都統往襲之使博爾蘇原作勃刺淑薩噶

爾瑪克原作撒曷懣以兵二百襲遼權六院司喀勒扎於

白水樂獲之遼主留輜重於青冢領兵一萬於應州

遣卓哩布達原作照里背荅各率兵邀之宗望奄至遼主營

盡俘其妻子宗族得其傳國璽使使奏捷幹魯字依詳校本削

曰賴陛下威靈屢敗敵兵遼主無歸勢必來降已嚴

戒鄰境毋納宋人合饋軍糧令尼楚赫原作銀尤可往代

州受之詔徧諭有功將士俟朕至彼當次第推賞遼

主戚屬勿去其輿帳善撫存之遼主伶僇去國懷悲

負恥恐隕其命孽雖自作而嘗居大位深所不忍如

招之肯來以其宗族付之已遣楊璞徵糧於宋尼楚

赫不須往矣遼趙王實訥埒及諸官吏並釋其罪且

撫諭之太祖還京師宗翰爲西北西南兩路都統幹

魯及普嘉努原作蒲家奴副之宗翰朝京師詔以夏人言

宋侵略新割地以便宜決之奏曰幹魯字依詳校本削夏人不

盡歸戶口資幣又以宋人侵賜地求援兵宋之邊臣

將取所賜夏人疆土蓋有異圖詔曰夏人屢求援兵

者或不欲歸我戶口沮吾追襲遼主事也宋人敢言

自取疆土於夏誠有異圖宜謹守備盡索在夏戶口

通聞兩國事審處之幹魯復請弗割山西與宋則遼



主不能與宋郭藥師交通復詔曰宗翰請勿與宋山

西地卿復及此疆場之事當慎毋忽及宗翰等伐宋

幹魯行西南西北兩路都統事天會五年薨皇統五

年追封鄭國王六年立碑四字依詳校本增天德二年紀享

太祖廟廷大定八年圖像衍慶宮諡剛烈二十二字依詳校本

增子薩巴銀青光祿大夫子色哩金史本傳

烏楞古原作幹魯古貝勒宗室子也金史本傳太祖二年甲午

紀伐遼使烏楞古阿魯原作阿魯撫諭幹琿原作幹忽集賽原作

忽兩路係遼女直本傳戰敗遼兵殺節度使托卜嘉原作

捷不也宏簡錄古納原作酷輦嶺烏爾圖罕原作阿罕等十四達哈

藩原作十皆降本傳復與羅索原作婁室擊遼都統實婁於

咸州斬之克其城圖們呼圖原作滿忽吐以所部降鄰部

戶七千人亦來歸宏簡錄遂與遼將赫伯原作喝補戰破其

軍數萬人太祖嘉之以為咸州軍帥本傳佐幹魯伐高

永昌時呼圖克原作胡突古叛入於遼居東京原有南字依詳校本

削索之以歸以便宜署為千戶其無功蘇都哩原作散都

魯鄂勒博原作訛魯補亦除以官而無罪穆昆哈布爾原作

斛拔黃哥原作黃格達希布原作及保咸解其職宏簡錄太祖

聞之盡復哈布爾等穆昆呼圖克等皆罷去又聞烏

楞古軍中往往闕馬太祖字依詳校本改削而官馬多匿於私



家遂檢括之耶律聶哱

原作捏里

佛德遺

烏楞古字依書詳校本改削

請和烏楞古以聶哱書并所答書來上且請曰復有

書問宜如何報之詔曰彼若再來請和汝當以阿蘇

等叛亡索而不獲至於交兵我行人薩喇

原作賽刺

亦不

遣還若歸薩喇及送阿蘇等則和好之議方敢奏聞

仍恐議和非實無失備禦聶哱軍於蒺藜山烏楞古

以兵一萬戍東京太祖使都古嚕訥

原作迪古乃

羅索復

以兵一萬益之詔曰遼主失道肆命徂征惟爾將士

常體朕意拒命者討之服者撫安之母貪俘掠毋肆

殺戮所賜聶哱詔書可傳致也詔聶哱曰汝等誠欲

請和當廢黜昏主擇立賢者副朕弔伐之意然後可

議和約不然當盡并爾國其審圖之聶哱復書烏楞

古云降去人赫伯

原作痕字

見還則當送阿蘇等上曰赫

伯乃交兵後來降阿蘇則平日以罪亡去其事特異

復詔聶哱令此月十三日送阿蘇至顯州各遣重臣

議疆場事

本傳

天輔元年

本紀

烏楞古等攻顯州知東京

事完顏鄂倫

原作幹倫

以兵來會即以兵三千先渡遼水

得降戶千餘遂薄顯州郭藥師乘夜來襲鄂倫擊走

之烏楞古遂與聶哱等戰於蒺藜山大敗遼兵追北

至額勒錦

原作里真

陂獲佛德家屬遂圍顯州攻其城



西南軍士實都原作神篤踰城先入燒其佛寺煙燄撲人

守陣者不能立諸軍乘之遂拔顯州於是乾懿豪徽

成川惠等州皆降乾州後為閬陽縣遼諸陵多在此

禁無所犯徙成川人於同銀二州居之聶哱再以書

來請和烏楞古承前詔以阿蘇為言答之駐軍顯州

以聽命賜烏楞古等馬十匹詔曰汝等力摧大敵攻

下諸城朕甚嘉之遼主未獲人心易搖不可恃戰勝

而失備禦本傳二年正月庚寅遼雙州節度使張崇降

本紀烏楞古以便宜命復其職仍令世襲烏楞古久在

咸州多立功亦多自恣本傳二月和勒博原作効里保雙寬

原作雙古等言咸州路都統烏楞古知遼主在中京而不

進討芻糧豐足而不以實聞攻顯州時所獲牲口財

畜多自取本紀聶哱博爾蘇亦告貝勒蒙克原作曹葛瑪奇

鄂倫齊遜原作赤閭阿爾本原作阿刺伊喇原作乙刺等多取牲口

財畜本傳三月癸未朔命闍格原作闍哥代為都統而鞫治

之本紀烏楞古引伏詔降烏楞古為穆昆而禁錮鄂倫

等初都古魯訥羅索奏攻顯州新降附之民可遷其

富者於咸州路貧者徙內地於是詔使闍格擇其才

可幹事者授之穆昆其豪右誠心歸附者擬為明安

錄其姓名以聞饑貧之民官振給之而使棟摩原作闍母



為其副統云久之遼通祺雙遼四州之民入百餘家

詣咸州路都統降上曰遼人賦歛無度民不堪命相

率求生不可失望分置諸部擇善地以處之六年討

賊於牛心山道病卒天眷中贈特進天德二年配享

太祖廟廷本傳大定八年圖像衍慶宮九字依詳十五

年諡莊翼金史本傳

博勒和原作盧火安帝五代孫舊居按春水原作安同

時有博勒和者金史本傳監羅索原作婁室軍後為平陽尹西

南路招討使終慶陽尹宏簡錄博勒和以宗室子可喜

事太祖特進達二年甲午六月太祖紀伐遼使徵都古

嚕訥原作古乃兵本傳九月進軍甯江州次寥晦城博勒

和徵兵後期杖之太祖紀後與瑛楚原作渾黜以四千人助

羅索尼楚赫原作此可攻黃龍府薩里罕原作勒罕察必

達爾原作索得兄弟齊達勒原作擲里部人嘗寇扎蘭原作

耶路穆宗遣博勒和討之至阿里瑪原作里門河薩里

罕偽降略馬畜三百而去本傳復掠沃楞原作兀部二十

五寨太祖又令往討宏簡錄博勒和渡索歡原作蘇袞河招

降旁近因藉丁壯為軍本傳至特通額原作滕吳水執察

必達爾殺之弘簡錄博勒和至德里原作特鄰城圍之薩里

罕遜去執其妻子薩里罕遂降曰我之馬牛貨財盡



矣何以爲生博勒和與之馬十四匹齊達勒部產良馬

太祖使赫舍哩原作紇石烈阿實罕原作阿習罕掌其牧畜博

勒和及子博索原作婆速俱爲穆昆天輔五年二月太祖紀

摘取諸路明安中萬餘家屯田於泰州博勒和爲都

統賜耕牛五十太祖取燕京爲右翼兵出居庸關大

敗遼兵遂取居庸關蕭如遜去都監高陸等來送款

乞降實古納原作石古乃追蕭如至古北口蕭如已過三

日不及而還上命博勒和和索哩原作胡實資率輕騎追

之蕭如遠去獲其從官統軍察喇原作察刺宣徽扎拉原作

查并其家族及銀牌二印十有一及達喇原作迭刺叛博

勒和實古納討平之其羣官率眾降者就使領其所

部太宗以空名宣頭及銀牌給之博勒和守邊屢有

功太宗賜衣一襲并賜其子博碩原作剖叔八年以甲胄

賜所部諸穆昆天會十二年加同中書門下平章事

天眷元年駐烏爾古德喀原作烏骨迪烈部史作地依詳校本薨贈

開封儀同三司諡剛毅本傳大定間定亞次功臣圖像

衍慶宮依詳校本子博碩襲明安天眷二年爲泰州副

都統子威泰廣威將軍博索官特進子烏哲庫原作吾扎

忽金史本傳呼爾哈節度使性聰敏有才智善用軍常出

敵之不意故能以寡敵眾而所往無不克號鷓軍云



烏哲  
庫傳

棟摩原作闍母世祖第九子金史本傳宏簡錄作第十一子次室珠格原作

虎氏生威泰傳目太祖異母弟也高永昌據東京斡魯往

史作征依詳校本改伐之命棟摩等為之佐已克藩州城中出

奔者棟摩邀擊殆盡與永昌隔鄂爾和原作沃里活水眾

遇淖不敢前獨史作棟摩依詳校本改削以所部先濟諸軍畢濟

軍東京城下本傳其人來戰破之於首山殲其眾獲馬

五百匹宏簡錄及烏楞古原作斡魯古以罪去咸州棟摩代

為副統依詳校本改削令色克原作斜葛留兵一千鎮守命以餘

兵會於渾河至臨潢府先登克其外城又從都統杲

至中京由城西沿土河以進城中兵三千餘皆不能

守遂克之宏簡錄宗翰等攻西京棟摩羅索等於城東

為木洞以捍蔽矢石於北隅以芻茭塞其隍城中出

兵萬餘將燒之温特赫博恰原作温迪痕蒲匣率眾力戰執

旗者被創博恰自執旗奮擊卻之又為四輪革車高

出於堞棟摩與麾下乘車先登諸軍繼之遂克西京

與遼步騎五千戰於朔州之境斬首三百級復敗遼

騎三百於河陰遼兵五千屯於馬邑縣南復擊破之

隳其營壘盡得其車馬器械遼兵三萬列營於西京

之西棟摩以三千擊之使士卒棟摩字依詳校本削皆去馬陣



於溝塹之間曰以一擊十不致之死地不可使戰也  
謂眾曰若不勝敵不可以求生於是人皆殊死戰遼  
兵遂敗追至其營而止明日復敗其兵七百餘人興  
中府宜州復叛棟摩討之并下詔招諭詔棟摩曰遼  
之土地皆為我有彼雖復叛終皆吾民可縱其耕稼  
毋得侵掠貝勒蒙克原作薩布烏達原作等獲  
契丹糾堅原作九斤糾堅自殺本紀興中平棟摩為南  
路都統討和勒博原作同詔曰和勒博以烏合之眾  
保據險阻其勢必將自斃若彼不出掠毋庸攻討耶  
律阿固齊原作奧等殺和勒博於景薊之間其眾遂

潰天會元年張覺以平州叛入於宋棟摩自錦州往  
討之覺將以兵脅遷來潤隰四州之民棟摩至潤州  
擊走張覺軍逐北至榆關遣俘持書招之本傳六月壬  
午本紀復敗覺兵於營州東北欲乘勝進取南京時方  
暑雨退屯海孺逐水草休息使布呼原作蒙克兩明  
安屯潤州制未降州縣不得與覺交通九月棟摩破  
覺將王孝古於新安敗覺軍於樓峰口本傳十月本紀復  
與覺戰於兔耳山棟摩大敗太宗使宗望問敗軍之  
狀棟摩字依宗望遂以棟摩軍討覺本傳十一月癸未  
發廣甯下瀕海諸郡庚午宗望及張覺戰於南京東



大敗之張覺奔宋城中人執其父及其二子以獻戮  
之軍中二年正月本紀太宗乃赦棟摩召宗望赴闕五  
月本紀棟摩連破偽都統張敦固遂克南京執敦固殺  
之上遣使迎勞之詔曰聞下南京撫定兵民甚善諸  
軍之賞卿差等以給之又詔曰南京疆場如舊屯兵  
以鎮之命有司運米五萬石於廣甯給南京潤州戍  
卒遂下宜州拔义牙山殺其節度使韓慶民得糧五  
千石詔以南路歲饑許田獵其後宋童貫郭藥師治  
兵棟摩輒因降人知之卽具奏而宗翰宗望皆請伐  
宋於是棟摩副宗望伐宋宗望以棟摩屬尊先皇帝

任使有功請以爲都統已監戰事

已史作以依詳校本改

於是

棟摩爲都統素赫

原作撒喝

副之三年十二月

本紀

敗郭藥

師兵於白河

本傳

藥師戈甲鮮明步武整肅初見亦懼

宗望乃東向望日而拜號令諸部而進藥師鏖戰三十餘里張令徽先遁力追之

大金國志

遂降燕山以先鋒

渡河圍汴宋人請盟將士分屯於安肅雄霸廣信之境宗望還山西棟摩與劉彥宗留燕京節制諸軍四年八月

本紀

復伐宋大軍克汴京

史作州依詳校本削

諸軍屯於

城上城中諸軍潰而西出者十三萬人棟摩達蘭原撻分擊大敗之師還爲元帥左都監

棟摩字依詳校本削攻河



閒下之大破敵兵萬餘於莫州宗輔爲副元帥徇地

淄青棟摩與宗弼分兵破山谷諸屯宋李成兵圍淄

州烏凌阿原作烏林答托雲原作泰裕破之六年正月本棟摩紀

克濰州達呼布珠爾蘇連破趙子昉等兵至於河上

烏凌阿托雲破敵於靈城鎮及議伐康王棟摩欲先

定河北然後進討太宗乃酌取羣議之中使羅索取

陝西宗翰宗輔南伐天會七年史作六依詳校本薨年四十

熙宗時追封吳國王天德二年配享太祖廟廷正隆

改封譚王大定二年徙封魯王本傳八年圖像衍慶宮

依詳校本諡莊襄子宗敘金史本傳

宗敘本名德壽棟摩第四子也奇偉有大志喜談兵

天德二年充護衛授武義將軍明年授世襲穆昆擢

御院通進遷翰林待制兼修起居注轉國子司業兼

左補闕正隆初轉符寶郎在宮職凡五年皆帶劔押

領宿衛遷大宗正丞以母憂去官以本官起復未幾

遷侍衛親軍馬軍都指揮使改左驍騎都指揮使明

年海陵幸南京從至汴宗敘字從字依詳校本改削契丹薩巴反

宗敘爲咸平尹兼兵馬都總管以甲杖四千付之許

以便宜宗敘出松亭關取牛遞於廣甯金史本傳世宗卽

位於東京赦令至廣甯安塔哈傳宗敘將歸之廣甯尹安



塔哈弟雅爾堅勸宗敘乃還興中白彥敬本名赫舍

哩志甯本名薩哈達使宗敘奉表降乃見世宗於梁魚務

授甯昌軍節度使明年二月契丹攻甯昌宗敘止有

女直渤海騎兵三十漢兵百二十人自將擊之遇賊

千餘騎漢兵皆散走宗敘與女直渤海三十騎盡銳

力戰身被二創所乘馬中箭而仆遂為所執居百餘

日會賊中有臨潢民伊喇阿達原作移刺阿塔等盜馬授之

得脫歸宗敘陷賊久盡得其虛實見元帥完顏默音

原作謀術平章政事完顏元宜謂之曰賊眾烏合無紀律

破之易爾於是帥府欲授軍職宗敘見默音貪鹵掠

失事幾欲歸白上不肯受職曰我有機密須面奏是

夕乃遁去至廣甯矯取驛馬馳至京師而帥府先事

以聞上遣中使詰之曰汝為節度不度眾寡戰敗被

獲幸得脫歸乃拒帥府命輒自乘傳赴都朕姑置汝

罪可速還軍併力破賊宗敘附奏曰臣非辭難者事

須面奏不得不來遂召入乃條奏賊中虛實及諸軍

進退不合事機狀詔大臣議皆以其言為然是時已

召布薩忠義本名烏哲代默音為元帥進討於是拜宗敘

為兵部尚書以本職領左翼都統率宗甯烏雅扎拉

校本烏凌阿原作烏喇實刺撒兵各千號三萬佐忠



義軍至和托原作花道遇賊與戰左翼都統史作右依宗詳校本

亨本傳指畫失宜宗亨傳先敗走忠義亦引卻宗敘勒本

部遮擊之麾帳下士三百捨馬步戰賊不得逞大軍

整列復至合勢擊之賊遂敗去而元帥右監軍赫舍

哩志宵率軍至追及斡罕原作窩斡於陷泉本傳整兵環攻

烏雅扎拉傳大破之復與志宵及圖克坦原作徒單克宵追至

七渡河大敗之本傳斡罕平烏雅扎拉傳入為右宣徽使宋

兵據海州將謀深入詔以宗敘為元帥左監軍往禦

之本傳因駐山東分兵據守要害敵不得西宏簡錄尋奉

詔與赫舍哩志宵參議軍事本傳四年入朝宏簡錄奏曰

暑月在近頓兵邊陲飛輓頗艱乞俟秋涼進發上從

其請及還軍賜襲衣弓矢本傳九月渡淮引兵出唐鄧

至襄陽屢戰皆捷明年宋人請和軍還除河南路統

軍使河決李固渡分流曹單之間詔遣都水監梁肅

視河決宗敘言河道填淤不受水故有決溢之患今

欲河復故道卒難成功幸而可塞他日不免決溢山

東非曹單比也沿河數州驟興大役人心動搖恐宋

人乘閒煽誘搆為邊患梁肅亦請聽兩河分流以殺

水勢遂止不塞本傳是年求入見言邊事上使修起居

注鈕祜祿額特埒原作粘割就宗敘問狀宗敘言得



邊報及宋來歸者言宋國調兵募民運糧餉完城郭造戰船浮橋兵馬移屯江北自和議後卽罷制置司今復置矣商虢海州皆有姦人出沒此不可不備嘗報樞密院彼視以爲文移故欲入見言之魏子平傳額特堉詰之皆無狀還報額特堉傳十年召至京師拜參知政事上曰卿奏黃河利害甚合朕意朕念百姓差調官吏爲姦率斂星火所費倍蓰委積經年腐朽不可復用若此等類百孔千瘡百姓何以堪之卿參朝政擇利而行以副朕心及與上論南邊事宗敘曰南人遣諜來多得我事情我遣諜人多不得其實蓋彼以厚

賞故也上曰彼以厚利資諜人徒費其財何能爲也

八月奉詔巡邊

史作十一年世宗紀在十年八月今依紀

十一年世宗紀六

月至軍中將戰有疾詔以右丞相赫舍哩志甯代宗

敘還七月甲申

世宗紀

病甚遺表朝政得失及邊防利

害力疾使其子上之薨年四十六上見其遺表傷悼

不已輟朝遣宣徽使敬嗣暉致祭賻銀千兩重綵四

十端

重字依詳校本增

絹四百匹上謂宰臣曰宗敘勤勞國

家他人不能及也初宗敘嘗請募貧民戍邊屯田給以廩粟旣貧者無艱食之患而富家免更代之勞得專農業上善其言而未行也十七年上謂宰臣曰戍



邊之卒冒寒暑往來番休以馬牛往戍往往皆死且奪其農時敗其生業朕甚憫之朕欲使百姓安於田里而邊圉疆固卿等何術可以致此左丞相良弼曰邊地不堪耕種不能久戍所以番代耳上曰卿等以此急務為末耶往歲參政宗敘為朕言此事若宗敘可謂盡心於國者矣今以兩路招討司烏庫哩實壘部族臨潢泰州等路分置堡戍詳定以聞朕將親覽上追念宗敘聞其子孫家用不給詔賜錢三千貫明昌五年配享世祖廟廷金史本傳

昌五年配享世祖廟廷

金史本傳

羅索

原作婁室

字幹里雅

原作幹里衍

完顏部人年二十一代

父布達

原作白荅

為七水諸部長太祖克甯江州使羅索

招諭係遼籍女直降伊騰伊罕

原作移海

路達哈藩卓

勒

原作蒲馬大彎照撤

等敗遼兵於布爾罕

原作刺趕

山復敗遼

兵擒兩將軍既而伊克

原作益改

尼瑪蘭

原作捺末懶

兩路皆

降進兵咸州克之諸部相繼來降獲遼北女直係籍

之戶

金史本傳

收國元年正月丙子遼都統耶律鄂爾多

原作訛里朵

以二十餘萬眾來戍邊太祖趨達嚕噶

原作達魯

古城次甯江州西召羅索羅索見上於軍中上見羅

索馬多疲乏以三百給之使隸右翼

史作左依碑文改

宗翰

軍

本傳

庚子進師有火光正圓自空而墜上曰此祥徵



殆天助也酌白水而拜將士莫不喜躍進逼達嚕噶  
城上登高望遼兵若連雲灌木狀顧謂左右曰遼兵  
心貳而情怯雖多不足畏遂趨高阜為陣宗雄以右  
翼先馳遼左軍左軍卻左翼出其陣後遼右軍皆力  
戰太祖紀與尼楚赫原作銀縱兵衝其中堅凡九陷陣  
皆力戰而出復與尼楚赫戍邊及九百奚營來降則  
與尼楚赫攻黃龍府上使完顏瑋楚原作博勒和  
婆盧實古納原作石以兵四千助之敗遼兵萬餘於  
白馬灤本傳功皆論最本紀宗雄等下金山縣使羅索分  
兵二千招沿山逃散之人本傳與烏楞古原作幹破耶

律聶喀原作軍於蒺藜山取顯州九月克黃龍府太祖

紀第功古雲賜誓券恕死罪碑文羅索請曰黃龍府一

都會且僻遠苟有變易與鄰郡相扇而起請以所部  
屯守太祖然之仍合諸路穆昆命羅索為萬戶守黃

龍府進都統從杲取中京與希尹原作等襲走達魯

原作迪六伊勒希等敗奚王錫默原作降奚部西節度使

額哩喀原作訛遼主自鴛鴦灤西走羅索等追至白

水灤獲其內庫寶物羅索遂與棟摩原作攻破西京

復與棟摩至天德雲內甯邊東勝其官吏皆降獲阿

蘇原作夏人救遼兵次天德羅索使托紐原作布當



原作補以騎二百為候兵夏人敗之幾盡額圖瑋原作阿土

罕復以二百騎往遇伏兵獨額圖瑋脫歸時久雨諸

將欲且休息羅索曰彼再破吾騎兵我若不復往將

以我為怯即來攻我矣本傳亟選千騎與弟巴爾斯原作

拔離及實實原作習失往幹魯壯其言從之宏簡錄羅索遲

明出陵野嶺留巴爾斯以兵二百據險守之獲生口

問之其帥李良輔也將至野谷史無谷字依詳校本增登高望

之夏人恃眾而不整方濟水為陣乃使人報幹魯羅

索分軍為二迭出迭入進退轉戰三十里過宜水與

幹魯合擊敗之遼都統達實原作大石犯奉聖州壁龍門

東二十五里羅索卓哩原作照里馬和尙生獲達實其眾

遂降遼必呀哩原作闕里刺守奉聖州棄城逃去後與宗

望追遼帝羅索芬徹原作蒲察以二十騎候敵敗其軍三

千人於三山有千人將趨奉聖州芬徹復敗之擒其

主帥而還夏人屯兵於哈屯原作可敵館宗翰遣羅索成

朔州築城於霸德山西南二十里遂破朔州西山兵

二萬擒其帥趙公直其後復襲遼帝於伊都谷獲之

賜鐵券惟死罪乃笞之餘罪不問尼楚赫圍太原宋

統制劉臻救太原率眾十萬出壽陽羅索擊破之繼

敗宋兵數千於榆次宋張灝軍出汾州巴爾斯擊走



之灝復營文水羅索及托克索原作突巴爾斯與戰

灝大敗宗翰定太原羅索取汾石二州及其屬縣温

泉方山靈石史作离石依碑文改靈石屬今汾州碑文是芬徹降壽陽取

平定及樂平復招降遼州及榆社遼山和順諸縣宗

翰趨汴州使羅索自平陽道先趨河南曰若至澤州

與色哩原作賽里博勒和實實原作習失遇當與俱進實實之

前軍薩喇達原作謀合敗宋兵三千於襄垣遇伏兵二

千又敗之薩喇達破天井關復破步兵於孔子廟南

遂降河陽羅索軍至既渡河遂薄西京城申兵來拒

戰實實逆擊敗之西京降羅索取偃師永安軍鞏縣

降薩喇達敗宋兵於汜水於是滎陽滎澤鄭州中牟

相次皆降宗翰已與宗望會軍於汴使羅索率師趨

陝津攻河東郡縣之未下者烏爾圖罕敗敵於河上

桑阿原作撒按敗敵於陝城下呼沙呼原作忽沙渾降虢州守

裨卒三百人遂克陝府實古納桑衮破陝之散卒於

平陸西北和尼原作活女別破敵於平陸羅索破蒲解之

軍二萬盡覆之安邑解州皆降遂克河中府降絳慈

隰石等州宗翰往洛陽使羅索取陝西敗宋將范致

虛軍下同華二州克京兆府獲宋制置使傅亮遂克

鳳翔本傳宗翰命羅索專事陝西以博勒和繩果原作勝額



監戰遇敵於蒲城及同州臨真皆破之進克丹州延安府遂降綏德軍及靜邊懷遠等城寨十六復破青澗城宋安撫使折可求以麟府豐三州及晉甯所部九寨皆降惟晉甯久不下規其城中無井日取河水爲飲東決其渠泄之城始困宏簡錄李位石乙啟郭門降諸將率兵入城守將徐徽言據子城戰三日眾潰徽言出奔獲之使之拜不聽臨之以兵不爲動繫之軍中使先降者諭之使降徽言大罵與統制孫昂皆不屈乃并殺之遂降定安堡渭平寨及鄜坊二州於是羅索博勒和守延安折可求屯綏德芬徹遂守

蒲州延安鄜坊州皆殘破人民存者無幾羅索置官

府輯安之別將鄂倫

原作  
幹論

降建昌軍京兆府叛羅索

復討平之

本

傳進兵降乾州克邠州軍於京兆

宏簡錄羅

索經略陝西所下城邑叛服不常其監戰阿里布請益兵帥府會諸將議曰兵威非不足綏懷之道有所未盡誠得位望隆重恩威兼濟者以往可指日而定若以皇子右副元帥宗輔往爲宜詔曰羅索往者所向輒克今使專征陝西淹延未定豈倦於兵而自愛耶關陝重地卿等其戮力焉太宗紀於是睿宗以右副元帥總陝西征伐時羅索已有疾睿宗與張浚戰於



富平宗弼左翼軍已卻羅索以右翼力戰軍勢復振  
張浚軍遂敗睿宗曰力疾鏖戰以徇王事遂破巨敵  
雖古名將何以加也以所用犀玉金銀器及甲冑并  
馬七匹與之本傳天會八年十二月丁丑薨太宗紀贈東  
甯軍節度使兼侍中加太子太師皇統元年贈開府  
儀同三司追封莘王以正隆例改贈金源郡王本傳  
定十六年圖像衍慶宮明年大裕配享太宗廟廷禮志  
諡莊義子和尼默音實古納金史本傳同時同名羅索者  
凡有十依詳校本增羅索有大功默音傳最先封贊他人不  
能及也宗敘傳

和尼原作活女年十七從攻甯江州力戰創甚扶出陣間

太祖憑高望見問之知是羅索子親撫慰賜藥歎曰

此兒他日必為名將金史本傳收國元年八月太祖紀攻濟

州敗敵八千宏簡錄與敵遇於信州伊喇本原作移陷

於陣和尼力戰出之敵遂北敗耶律佛德原作佛頂等兵

於瀋州及宗翰以兵襲奚王錫默原作霞未和尼以兵三

百敗敵二千從攻伊實原作乙室破其二營塔喇原作送刺部

族叛率二穆昆突入大破之從羅索圍太原和尼字

本宋將种師中以兵十萬來援和尼擊敗之本傳斬師

中於殺熊嶺尼楚赫傳大軍至河無船不得渡羅索遣和



尼循水上下率軍三百

和尼字依  
詳校本削

自孟津而下度其

可渡遂引軍以濟大軍於是皆繼之宋將郭京出兵

數萬趨羅索營和尼從旁奮擊敵亂遂破之師還破

敵於平陸渡得其船以濟又以兵破敵於張店原時

屯留太平翼城皆有重敵並破之又分兵取陝西蒲

州降

本傳

即留鎮之攻鳳翔先登宗輔定陝西以為都

統進攻涇州敗王開山以兵拒歸路邀戰再擊敗之

遂降京兆鳳翔諸縣

宏簡錄

羅索卒於涇州

羅索碑

襲哈

濟

原作合

明安代為黃龍府路萬戶天眷三年為元帥

右都監遷左監軍元帥府罷改安化軍節度使歷京

兆尹封廣平郡王以正隆例改封代國公進封隋國

公諡貞濟年六十一

金史本傳

大定間定亞次功臣圖像

衍慶宮

依詳校本增

默音

原作謀

羅索次子

宏簡錄

勇力過人善用長矛突戰

天眷間充牌印祇候授顯武將軍擢符寶郎皇統四

年其兄和尼襲濟州路萬戶以親管沃濟

原作奧吉

明安

讓默音朝廷從之權濟州路萬戶八年為元帥右都

監天德三年為順天軍節度使歷河間臨潢尹數月

改博索

原作婆速

路兵馬都總管薩巴

原作撒巴

反默音往討

之是時世宗為東京留守自將討括里還遇默音於



常安縣盡以甲士付之世宗還東京完顏福壽高忠

建率所部南征軍亡歸東京金史本傳皆言於路曰我

輩今往東京立新天子矣海陵紀默音自長安率兵五

千世宗紀來附即以臣禮上謁本傳因率諸將吏民勸進

宏簡錄世宗即位拜右副元帥本傳命伐白彥敬本名赫約索

舍哩志宵本名薩哈達於北京遇其眾於建州之境皆不

肯戰二人遂降二年正月默音率諸軍討斡罕原作窩斡

屯兵懿州慶雲縣及川州武平縣奏請糧運并護送

兵仗詔以南征逃還軍往就如不足量於富家簽調

率諸軍將會濟州時賊新敗於泰州獲其謀者知敵

將由別路邀糧運遂分軍往迎之以貪鹵掠不復追

敵得縱去宏簡錄遂涉懿州界陷靈山同昌惠和等縣

窺取北京西攻三韓縣惟克甯追躡默音託馬弱引

還懿州上聞之下詔切責本傳曰朕委卿等討賊乃聞

不就賊趨戰而駐兵閑緩經涉累月雖經追襲不由

水草之地以致馬足疲弱不能百里而還後雖破賊

又縱諸軍劫掠數日後方追北霧霖河輒復引還賊

遂入涉內地北京懿州由此受兵朕欲重譴以方任

兵事且圖後功當盡心一力毋得似前怠弛合史本紀以

布薩忠義本名烏哲為右副元帥代之默音子色克原作斜哥



橫暴軍中詔勒歸本貫默音至京師以為同判大宗  
正事世宗責之曰朕以汝為將汝不追賊當正汝罪  
以汝父羅索有大功特免汝死汝雖非宗室而授此  
職汝其勉之未幾率賓路軍士珠勒呼原作朮里古告色  
克寄書與默音謀反有司并上其書世宗察其誣詔  
鞠告者珠勒呼款伏遂誅之召默音謂之曰人有告  
卿子為反謀者朕知卿必不為此今告者果自服罪  
宜悉此意初幹罕方熾上使溫特赫原作溫迪罕阿嚕岱  
原作阿魯帶守古北口及幹罕敗於陷泉入於奚中率諸  
奚攻古北口阿嚕岱因其妻生日輒離軍中六十里

賊眾聞之來襲殺傷士卒甚眾阿嚕岱坐除名詔默

音芬徹原作蒲察烏里雅富察原作蒲察通以兵三千會舊屯

兵擊之擒賊黨明安和卓原作合住未幾幹罕平乃還七

年出為北京留守上御便殿賜食及御服衣帶佩刀

謂之曰以卿故老欲以均勞逸故授此職卿其勉之

改東京留守封榮國公大定十一年薨年六十四默

音性忠厚善擊毬射獵時論以為雖智略不及其父

而勇敢肖之云金史本傳

實古納又名仲原作石乃古羅索之幼子也阿蘇體貌魁

偉通女直契丹漢字本傳幹魯愛其才欲使通吏事每



視事常令在左右宏簡錄遇事輒問之應對如響幹魯  
歎曰此子必爲令器皇統初充護衛授世襲穆昆天  
德元年攝其兄和尼濟州萬戶部內稱治除濱州刺  
史以母憂去官起復知積石軍事轉同知河南尹正  
隆六年伐宋爲神勇軍副都總管與大軍北還除同  
知大興尹將兵二千益遵化屯軍備契丹遷西南路  
招討使兼天德軍節度使政尙忠信決獄公平番部  
不敢寇邊召爲左副都點檢宿衛嚴謹每事有規矩  
後來者守其法莫能易也世宗嘗謂侍臣曰實古納  
入直朕寢益安五年宋人請和爲姪國不稱臣仲爲

報問使仲請與宋主相見禮儀世宗曰宋主親立起  
接書則授之乃至宋一一如禮正隆用兵宋人執商  
州刺史完顏守能以歸至是仲取守能與俱還上嘉  
之轉都點檢兼侍衛親軍都指揮使遷河南路統軍  
使上曰卿在禁近小心畏慎河南控制江淮爲國重  
地卿益勉之賜殿馬金帶玉吐鶻後有罪後字史作  
復依詳校  
本改解職久之起爲西北路招討使改北京留守卒金  
史  
傳

哈里原作海里羅索族子體貌豐偉善用稍羅索爲黃龍  
府萬戶哈里從徙於舒吉鄂摩原作孰  
吉訛母從羅索追及



遼主於朔州阿敦山遼主從數十騎逸去羅索遣哈  
里及珠敦原作往見遼主諭之使降遼主已窮蹙待  
於阿敦山之東羅索因獲之賞哈里金五十兩銀五  
百兩幣帛二百匹綿三百兩睿宗經略陝西哈里戰  
卻吳玠軍於涇邠之南尋遣修棧道宋人恐棧道成  
以兵來拒破其兵賞銀百五十兩奴婢十人天眷元  
年擢宿直將軍與定宗馨之亂再遷廣威將軍除都  
水使者改西北路招討都監歷復州灤州刺史伊囉  
幹原作耶羣牧使塔喇原作部族節度使同知大興  
尹兼中都路兵馬都總管改武甯軍節度使廣甯尹

卒年六十二金史本傳

尼楚赫原作銀宗室子太祖嗣位金史本傳二年甲午太祖

紀使普嘉努原作蒲如遼取阿蘇原作事久不決乃

使實古納原作習尼楚赫繼往當是時遼主荒於政

事上下解體尼楚赫等還具以遼政事人情告太祖

且言遼國之狀本傳雖取遼之策卒定於都古嚕訥古

乃傳其始謀克實蓋自尼楚赫等發之本傳太祖與耶

律鄂爾多原作訛戰於達嚕噶城原作達破遼兵二

十餘萬語見羅索傳宏簡收國二年分雅達納阿拉

撻阿懶原作鴨所遷穆昆二千戶以尼楚赫為穆昆屯甯江



州遼大册使實訥埒原作習遣回約以七月半至而

盡九月實訥埒未來上使諸軍過江屯駐遼伊喇原作

刺曳滿達原作十三人兵士八人縱火於渾河以絕芻

牧尼楚赫獲之乃知遼邊吏伊蘇原作使之太祖命

釋之從都統杲取中京本傳與實古納芬徹原作哈布

爾原作率兵三千擊奚王錫默原作於京西七十

里錫默棄兵遯遼主西奔天德尼楚赫以兵絕其後

遼主遂見獲宏簡錄後從宗翰伐宋圍太原宗翰進兵

至澤州及宗翰還西京太原未下皆命尼楚赫留兵

圍之本傳宋樊夔施詵高豐等軍來救太原分據近部

尼楚赫與實實原作博囉原作烏蘇原作大破之索

羅希原作破宋兵近縣已降援兵復入據太谷祁

縣阿古喇原作巴爾斯原作仍拔取之豫攻种

師中使鄂倫原作破其軍薩喇圖原作又敗宋軍

於回馬口太原已定復攻克汴城師還降苛嵐甯化

等軍拔嵐州招降火山軍賜鐵券又取鄆州殺其將

李操等擒轉運使劉吉鄧州通判王彬宗翰會伐康

王使獨守太原宏簡錄天會十年為燕京留守十三年

致仕加保大軍節度使同中書門下平章事遷中書

令封蜀王本傳天眷三年四月癸丑薨熙宗紀年六十八



以正隆例贈金源郡王本傳天德三年依詳校本增配饗太

宗廟廷大定十五年諡武襄改配饗太祖廟廷本傳

瑪原作巴爾斯宏簡子古雲金史本傳

古雲原作本名達蘭捷懶幼警敏有志膽初卯角太

祖見而奇之年十六父尼楚赫授以甲使從伐遼常

為先鋒授世襲穆昆金史本傳伐宋守太原圍皆在行間

屢有功宏簡宋兵數萬救太原至南關尼楚赫與弟

巴爾斯原作完顏羅索原作等擊之當隘巷間一

卒揮刀向巴爾斯古雲以刀斷其腕一卒復從旁以

槍刺之古雲斷其槍追殺之拔太原下河東諸州攻

汴京皆有功與都統瑪武原作徇地漢上至上蔡以

先鋒破孔家軍睿宗攻開州古雲先登流矢中其口

睿宗親視之創未愈親起之攻大名府第功宗弼第

一古雲次之攻東平古雲居最巴爾斯襲宋康王於

揚州古雲為先鋒巴爾斯追宋孟后於江南古雲前

行趨潭州宋大兵在常武以選兵古雲字依薄其城

敗千餘人明日城中出兵來戰以五百騎古雲字依

敗之獲馬二百匹遂攻常武巴爾斯以諸軍為大陣

居其後古雲以五百騎為小陣當前行即麾兵馳宋

軍宋軍亂遂大敗之本傳其周旋進退皆有法則巴爾



斯歎賞之宏簡錄其後河東郡縣多叛古雲以先鋒攻

絳州克之復攻沁州飛礮擊其右脅昇歸營中諸軍

攻沁州三日不能下別將固納原作骨強起古雲指麾

士卒遂克之攝河東路都統從左監軍伊喇原作移刺伊

都原作余招西北諸部將騎古雲字依詳校本三千五百平其

九部獲生口三千馬牛羊十五萬以先鋒破宋吳山

軍再戰再勝遂衄宋兵於隘死者不可勝計宋兵遯

去宗弼再取和尚原仍以本部破宋兵兵字依詳校本五

萬人奪新义口留兵守之是夜大雪道路皆冰宋兵

勢重不可徑取本傳宗弼用其策自傍近高山叢薄間

入出其不意遂取和尚原請速入大散關宗弼止之

古雲先攻仙人關不止宗弼以刀背擊其兜鍪使之

退宏簡錄古雲曰敵氣已沮不乘此而取之後必悔矣

已而果然宗弼歎曰既往不咎乃班師古雲殿且戰

且卻遂達秦中齊國初廢元帥右監軍薩里罕原作撒

喝馳驛撫治諸郡至同州故齊觀察使李世輔出迎

陽墜馬稱折臂昇歸薩里罕入城世輔詐使通判獻

甲以壯士十人被甲上廳事世輔自壁後突出執薩

里罕古雲方索馬於外變起倉卒不得入城門已閉

皆有兵衛至東門適哈達原作達雅領騎三十餘與古雲



遇遂斬門者出而世輔擁眾自西門出古雲因與哈  
達襲之一進一退以綴世輔使不得速世輔慮救兵  
至乃要薩里罕與之盟勿使追之留薩里罕於道側  
古雲識其聲與騎而歸除安遠大將軍攝太原尹四  
境咸治兼攝河東南北兩路兵馬都總管朝廷以河  
南陝西與宋已而復取之師至耀州宋人每旦出城  
張旗閱隊抵暮而還道隘敵不得逞古雲請兵五百  
薄暮先令五十人趨山巔令之曰旦日視敵出舉幟  
指其所向乃以餘兵伏山谷聞明日城中人出閱如  
前山巔旗舉伏兵發宋兵爭馳入城古雲麾軍登城

拔宋幟立金旗幟

本傳

宋兵內外望見皆降

宏簡錄

宋吳

璘史作玠依  
詳校本改

擁重兵據涇州涇原以西多應之元帥

薩里罕欲退守京兆俟河南河東軍古雲曰我退守  
吳璘必取鳳翔京兆同華據潼關吾屬無類矣薩里  
罕曰計將安出古雲曰事危矣不如速戰我陣涇原  
之南原宋兵必自西原來古雲與錫卜察原作斜  
補出各  
以選騎五百摧其兩翼元帥當其中擊之可以得志  
監軍巴爾斯曰二子當其左右巴爾斯願當其中元  
帥據岡阜多張旗幟爲疑兵可以得志薩里罕從之  
吳璘兵果自西原來古雲錫卜察擊其左右自旦至



午吳璘左右軍少退巴爾斯當其前衝擊之遂敗璘  
軍僵尸枕藉大澗皆滿自此蜀人喪氣不敢復出關  
陝遂定歷行臺吏部工部侍郎從宗弼巡邊遷刑部  
尚書轉元帥左都監天德二年遷右監軍元帥府罷  
改山西路統軍使領西北西南兩路招討兵馬坐無  
功降臨海軍節度使歷平陽太原尹正隆末爲中都  
留守兼西北面都統討契丹薩巴原作撒入駐軍歸化州  
世宗卽位於遼陽使古雲姪阿爾法原作阿魯瓦持詔往  
命古雲爲左副元帥本傳就宣大定改元赦於西南西  
北招討司調河東河北山東諸路州鎮明安軍屯京

畿詔至二字依詳校本增古雲猶豫未決士卒皆欲歸附乃

不得已受詔下令諸路亟泥馬槽二萬具然後遣人

宣赦諸路聞之以爲大軍且至故皆聽命宏簡錄大定

元年十一月古雲以軍至中都同知留守璋請至府

議事古雲疑璋有謀乃陽許諾排節仗若將往者遂

率騎從出施仁門駐兵通州見世宗於三河詔古雲依詳

校本以便宜規措河南陝西山東邊事二年正月至

南京遂復汝潁嵩等州縣授世襲明安入拜平章政

事罷爲東京留守未行改濟南尹初古雲宿將恃功

在南京頗黷貨不恤軍民詔使問以邊事古雲不答



謂詔使曰爾解何事待我到闕奏陳及召入竟無一語及邊事者在相位多自專己所欲輒自奏行之除留守輒忿忿不接賓客雖近臣往亦不見上怒遂改濟南上數之曰朕念卿父有大功於國卿舊將亦有功故改授此職卿宜知之若復不悛非但不保官爵身亦不能保也古雲頓首謝久之改平陽尹致仕起為西京留守以母憂去官尋以本官起服俄復為東京厯上京詔曰上京王業所起風俗日趨脆薄宗室聚居號為難治卿元老大臣眾所聽服當正風俗檢制宗室持以大體十五年致仕久之史臣上太宗睿

宗實錄上曰當時舊人親見者惟古雲在詔修撰温

特赫原作温迪罕提克德原作締達往北京就問之多所更定

焉薨年七十四最前後以功被賞者十有一金為兩

二百五十銀為兩六千五百絹為匹八百綿為兩二

千馬三百十有四牛羊六千奴婢百三十人金史本傳

瑪奇原作麻吉尼楚赫之母弟也年十五隸軍中從破高

麗兵下甯江州平係遼女直克黃龍府皆身先力戰

以功為穆昆繼領明安破奚兵千餘自烏楞古原作幹魯

古攻下咸信瀋州及東京諸城瑪奇皆有功都統杲

取中京與素赫原作稍合和碩合原作拾達胡別降綽里特原作



楚迪原作部屯兵高州以兵援蒙克原作貝勒大破敵兵

復敗恩州兵五萬人討平遼人聚中京山谷者降三

千餘人戰於高州境上伏矢射之中目遂卒瑪奇大

小三十餘戰所至皆捷皇統中贈銀青光祿大夫諡

毅敏子烏色金史本傳

烏色原作沃測年十七隸軍中從巴爾斯原作拔擊遼將

瑪武原作馬五敗之瑪奇死領其職宗望伐宋至河上宋

兵屯於河外以二舟來伺我師乃遣烏色率勇士數

輩以一舟往迎之盡俘以還襲康王於江淮間烏色

皆與焉師還駐東平及廢齊屯兵河北招降旁近諸

營多獲畜產兵仗軍帥嘉之賞以甲馬從攻陝西為

右翼都統攻城破敵皆與有功師還正授穆昆遷華

州防禦使屬關中歲饑盜賊充斥烏色募兵討平之

部以無事郡人列狀丐留不報俄遷德瑋勒原作迪列部

族節度使改塔喇原作迭刺部用廉入為都水使者秩滿

尚知燕京留守事為西北路招討使薩巴原作撒入秩滿

已數月冒其俸祿不即解去烏色發其事薩巴反烏

色遇害金史本傳

巴爾斯原作離速拔尼楚赫弟天輔六年宗翰在北安州

將會舍音原作斜也於奚王嶺遼兵奄至古北口使博勒



和原作婆瑋楚原作各領兵二百擊之瑋楚請濟師

宗翰欲自往希尹原作羅索原作曰此易與耳請以

千人為公破之瑋楚以騎三十人前行至古北口遇

其遊兵逐入山谷遼人以步騎萬餘追戰亡騎五人

瑋楚退據關口希尹羅索至巴爾斯烏木罕原作訛

呼實罕原作胡摧鋒奮擊大破之斬馘甚眾盡獲甲

冑輜重希尹與薩拉葛圖原作撒費摩原作托紐原

突然敗其伏兵殺千餘人獲馬百餘匹金史遂與宗翰

至奚王嶺期會於羊城樂天會四年克太原巴爾斯

為管勾太原府兵馬事復與羅索敗宋兵於文水遂

從宗翰圍汴與尼楚赫略地襄鄧入均州還攻唐蔡

陳三州皆破之克穎昌府遂與托雲原作瑪武襲宋

康王於揚州康王渡江入於建康天會十五年遷元

帥左都監宗弼再定河南薩里罕原作撒經略陝西

至涇州巴爾斯大破宋軍於渭州渭州德順軍皆降

陝西平遷元帥左監軍加金吾衛上將軍卒諡敏定

金史大定閒定亞次功臣圖像衍慶宮十三字依

實古納原作習亦書作實古迺金史昭祖之孫宏簡

嘗與尼楚赫原作銀俱往遼國取阿蘇原作還言遼

人可取之狀太祖始決意伐遼矣本傳從太祖拒遼兵



使與尼楚赫鎮守達嚕噶城原作達魯古及取居庸關使

往追蕭妃不及久之為臨潢府軍帥討平塔喇原作迭刺

其羣臣率眾降者請使就領諸部太宗賜以空名宣

頭及銀牌俾以便宜授之宏簡錄獲遼許王索囉原作莎羅

駙馬都尉蕭伊遜原作乙辛遼梁王雅里依詳校本移上在哈里

原作紇里水自立不知果在何處至是始知之於是徙遼

降人於泰州時暑未可徙實古納請姑處之嶺西及

實古納築新城於契丹珠敦城原作周特詔置會平州烏

庫哩原作烏虎里部迪里原作迪烈華沙原作劃沙率部族降朝廷

以托卜嘉原作僕野為本部節度使烏瑋原作烏虎為都監

實古納封還本傳宣誥以便宜各授散官填充空名告身

付之轉錄降附有勞故官八百九十三人宏簡錄朝廷

從之於是迪里加防禦使為本部節度使華沙加諸

司使為節度副使知達魯特原作烈底部事達勒達原作

捷离加左金吾衛上將軍節度副使知圖吉原作突鞠部

事阿實克原作阿泉加觀察使為本部節度使其餘遷授

有差以巴噶城原作龐葛之地分賜烏庫哩達魯特二部

及契丹人其未墾者聽任力占射久之領咸州煙火

事天會六年史作天輔依詳校本改完顏慎思所部及其餘未

置明安穆昆戶口命實古納具籍以上天會十年改



南京路軍帥司為東南路都統司實古納為都統移

治東京鎮高麗本傳授上京世襲明安終東京留守子

阿嚙岱原作阿魯帶皇統初北伐有功拜參知政事宏簡錄

吉林通志卷七十七

人物志六 金五

鄂倫 鄂倫 鄂倫 鄂倫 鄂倫 鄂倫 鄂倫 鄂倫 鄂倫 鄂倫

宗道 宗道 宗道 宗道 宗道 宗道 宗道 宗道 宗道 宗道

阿林 阿林 阿林 阿林 阿林 阿林 阿林 阿林 阿林 阿林

舍音 舍音 舍音 舍音 舍音 舍音 舍音 舍音 舍音 舍音

昂 昂 昂 昂 昂 昂 昂 昂 昂 昂

阿里罕 原作阿離合憲景祖第八子也 金史本傳次室温特赫氏

生 昭肅皇健捷善戰年十八 本傳值世祖擒拉必 原作臘醉

瑪察 原作麻產穆稜 原作暮稜水人尙反側不自安令往撫察



之又與薩布原作攻烏木罕原作從薩哈原作討

平埒克原作其功居多宏簡穆宗九年蕭哈里叛入

於係案女直阿克占原作部遣其族人額特埒原作

刺來結和曰願與太師為友同往伐遼穆宗執額特

埒會遼命穆宗討捕哈里穆宗送額特埒於遼募軍

得甲千餘女直甲兵之數始見於此蓋未嘗滿干也

軍次混同江蕭哈里再使人來復執之既而與哈里

遇哈里遙問曰我使者安在對曰與後人偕來是時

遼追哈里兵數千人攻之不能克穆宗謂遼將曰退

爾軍我當獨取哈里遼將許之太祖策馬突戰流矢

中哈里首哈里墮馬下遂執而殺之大破其軍穆宗

使阿里罕字依獻馘於遼本伐遼之舉薩哈阿里罕

實贊成之及從征阿里罕在行間屢戰有功及太宗

等勸進太祖未之許也本阿里罕普嘉努原作宗

翰等進曰今大功已建若不稱號無以繫天下心太

祖曰吾將思之收國元年正月壬申朔太祖太祖即

位阿里罕與宗翰以耕具九器為獻祝曰使陛下毋

忘稼穡之艱難太祖敬而受之頃之為古倫英實原

乙室國論貝勒為人聰敏辯給凡有所聞見則終身不忘

始未有文字祖宗族屬時事並能默記與色克原葛



同修本朝譜牒見人舊未嘗識聞其祖父名卽能道其部族世次所出或積年舊事偶因他及之人或遺忘輒一一辨析言之有質疑者皆釋其意義世祖嘗稱其強記人不可及也天輔三年寢疾宗翰日往問之盡得祖宗舊俗法度疾革史作疾病依詳校本改上幸其家問疾間以國家事對曰馬者甲兵之用今四方未平而國俗多以良馬殉葬可禁止之乃獻平生所乘戰馬及以馬獻太宗使其子富爾丹原作蒲里迭代爲奏奏有誤語卽哂之宗翰從旁爲改定進奏訖薨年四十九歲上聞阿里罕臨薨有奏事曰臨終不亂念及國

家事真賢臣也哭之慟及葬上親臨熙宗時追封隋

國王天德中改贈開府儀同三司隋國公大定間本傳

圖像衍慶宮依詳校本增配饗太祖廟廷諡曰剛憲子賽

音原作賽也鄂倫原作翰論賽子宗尹金史本傳宗宵鄂倫子宗

道七字作詳校本增

鄂倫一名晏原作翰論阿里罕次子也景祖之孫四字依詳校本削明

敏多謀略通契丹字天會初烏達噶原作烏底改叛太宗

幸北京以晏有籌策召問稱旨乃命督扈從諸軍往

討之至混同江諭將士曰今叛衆依山谷地勢險阻

林木深密吾騎卒不得成列未可以歲月破也乃具



舟楫艤江令諸軍據高山連木爲柵多張旗幟示以持久聲言大軍畢集而發

金史本傳潛用舟師乃字依宏簡錄創

浮江而下直擣其營遂大破之據險之衆不戰而潰月餘一境皆定師還授左監門衛上將軍爲廣甯尹

入爲吏禮兩部尙書皇統元年爲北京留守改咸平尹徙東京天德初封葛王入拜同判太宗正事進封

宋王授世襲明安海陵遷都晏留守上京授金牌一銀牌二本傳在任五年宏簡錄累封豫王許王又改越王

貞元初進封齊時近郊禁圍獵特畀晏三百人從獵正隆二年例削王爵改西京留守未幾爲臨潢尹遂

致仕還居會甯海陵南伐世宗爲東京留守將士皆

自淮南來歸晏之子伊埒原作愿里乃亦在軍前率衆

來歸世宗本傳白彥敬本名約索等聞之使會甯同知高國

勝拘晏家族世宗卽位宏簡錄遣使召晏又遣晏兄子

呼拉布原作鶴魯補馳驛促之晏遂率宗室數人入見卽

拜左丞相封廣平郡王宴勞彌日未幾兼都元帥大

定二年正月上如山陵禮畢上將獵有司已夙備晏

諫曰邊事未甯畋游非所宜也上嘉納之因謂晏等

曰古者帝王虚心受諫朕常慕之卿等盡言毋隱進

拜太尉復致仕還鄉里是歲薨詔有司致祭賻贈銀



幣甚厚

金史本傳

宗甯本名阿多古

原作阿多古

賽音之子

宏簡錄

正隆六年

本紀起家為征南都統從海陵戰瓜洲渡功最

祁州刺史太定二年為會甯府路押軍萬戶擢歸德

軍節度使時方旱蝗宗甯督民捕之得死蝗一斗給

粟一斗數日捕絕移鎮甯昌軍改知臨潢府事移天

德軍世宗嘗謂宰臣曰宗甯志慮雖淺所至人皆愛

之即命為行軍右翼都統為賀宋正旦使累遷兵部

尚書授隆州路和屯明安羅里茂

原作烈里沒

世襲穆昆

出知大名府事徙鎮利涉軍俄同簽大陸親府事宗

甯多病世宗欲以涼地處之俾知咸平詔以其子符

寶郎回為韓州刺史以便養無幾入授同判大陸親

府事拜平章政事明昌二年薨宗甯性勤厚有大志

居家約儉如寒素臨事明敏其鎮臨潢鄰國有警宗

甯聞知乏糧即出倉粟令以牛易之敵知得粟即遁

去邊人以斡罕

原作窩斡

亂後苦無牛宗甯復令民入粟

易牛既而民得牛而倉粟倍於舊其經畫如此

金史本傳

聞者稱之

瑣都傳

宗尹本名阿里罕賽音之子初充護衛

宏簡錄

改牌印

祇候為右衛將軍歷順天歸德彰化唐古部族橫海



軍節度使正隆南伐領神略軍都總管先鋒渡淮取

揚州及瓜州渡大定二年改河南路副都統駐軍諸

州之境是時宋陷汝州殺刺史烏克遜原作烏古孫滿不

原作麻潑及漢軍二千人宗尹遣萬戶富珠哩原作李定

方完顏阿呼喇原作阿喝懶瓜爾佳原作夾谷清臣烏庫哩原作

烏古論薩哈克楚額哲原作三合渠雜訛只將騎四千往攻之遂

復汝州除大名尹副都統如故頃之為河南路統軍

使遷元帥左都監除南京留守上曰卿年少壯而心

力多滯前任點檢京尹勤力不怠而處事迷錯勉修

職業以副朕意賜通犀帶廐馬八年置山東路統軍

司宗尹為使遷樞密副使錄其父功授世襲扶餘路

屯河明安并親管穆昆除太子太保樞密副使如故

上問宰臣曰宗尹雖才無大過人者而性行淳厚且

國之舊臣昔為官卿等尙未仕也史作未信依詳校本改朕欲

以為平章政事何如宰執皆曰宗尹為相甚協眾望

即日拜平章政事封代國公兼太子太傅是時民間

苦錢幣不通上問宗尹對曰錢者有限之物積於上

者滯於下所以不通海陵軍興為一切之賦有菜園

房稅養馬錢大定初軍事未息調度不繼故因仍不

改今天下無事府庫充積悉宜罷去上曰卿留意百



姓朕復何慮太尉守道老矣舍卿而誰於是養馬等  
錢始罷他日謂宰臣曰宗尹治家嚴密他人不及也  
顧宗尹曰政事亦當如此矣有頃北方歲饑軍食不  
足廷議輸粟振濟或謂此雖不登而舊積有餘秋成  
在近不必更勞輸輓宗尹曰國家平時積粟本以備  
凶歲也必待秋成則億者眾矣人有捐瘡其如防成  
何上從之本傳時詔凡承襲人不識女直字者勒令學  
習會宗尹子尼楚赫襲明安守道子神果努原作神果奴  
襲穆昆上嘗識二子但習漢字未習女直字自今著  
令女直契丹漢字會學其一卽許承襲宏簡錄宗尹有

疾不能赴朝上問宰臣曰宗尹何爲不入朝太尉守  
道以疾對上曰丞相志甯嘗言若詔遣征伐所不敢  
辭宰相之職實不敢當宗尹亦豈此意耶二十四年  
世宗將幸上京上曰臨潢烏庫哩實壘原作石壘歲皆不  
登朕欲自南道往三月過東京謁太后陵寢五月可  
達上京春月烏獸孳孕東作方興不必蒐田講事卿  
等以爲何如宗尹曰南道歲熟芻粟賤宜如聖旨遂  
由南道往焉世宗至上京聞同簽大宗正事宗甯不  
能撫治上京宗室本傳子孫往往不事生業令察其子  
隨宜懲戒奏曰隨仕之子父沒不還本土以此多好



遊蕩命召還之及宴宗室於皇武殿擊毬為樂語以

其間人材孰可用者因舉奉國公威準原作子按春

原作安豫國公昱曾孫阿魯原作阿魯可任使宏簡上曰

度可任以何職更訪其餘以聞詔以按春阿魯為奉

御本傳二十七年乞致仕詔卿久任外官不聞有過失

但恨用卿稍晚今精力似衰若勉留卿四方恐以為

私今雖致仕將居何所朕欲留卿時相從遊如何宏簡

錄宗尹曰臣豈不欲在此但餘閑之年猶在輦下恐

聖主心困耳既衰老臣不忍擯棄時時得瞻望天顏

臣豈敢他往本傳况鄉里故老亦無存者宏簡雖到彼

尙將與誰遊乎於是賜甲第一區凡宴集畋獵皆從

焉二十八年薨金史本傳

宗道本名巴克實原作上京司屬司人鄂倫原作少

子也系出景祖四字通周易孟子善騎射大定五年

充閣門祇候累除近侍局使右丞相烏庫哩原作烏

元忠左衛將軍衛字依詳布薩原作揆等嘗燕集有

所竊議宗道即密以聞世宗嘉之授右衛將軍出為

西南路副招討章宗即位改同知平陽府事陝西路

副統軍左宣徽使伊喇原作仲方舉以自代除西北

路招討使故事賀馬史作駕馬依八百餘匹宗道辭



不受諸部悅服邊鄙順治提刑司察廉召為歲前右

副都點檢尋除陝西路統軍使以鎮靜得軍民心特

遷三階兼知京兆府時夏旱俾長安令取太白湫水

步迎於遠郊及城而雨是歲大稔人以為精意所感

刊石紀之承安二年為賀宋正旦使尋授河南路統

軍使金史本傳泗州民張偉負楚州賈人王萬貨錢五千

餘貫三年不償萬理索誣以言彼界事情宏簡錄宗道

疑其冤本傳廉問果得實乃坐偉而歸萬人服其明宏簡

錄後乞致仕朝廷知非本心改知河中府有惠政民

立像於層觀以時祭之移知臨洮以病解泰和四年

卒贈龍虎衛上將軍金史本傳

宗雄本名摩囉歡原作謀良虎康宗長子其始生也世祖

見而異之曰此兒風骨非常他日必為國器金史本傳因

解佩刀置其側俟成人則使佩之宏簡錄九歲能射逸

兔年十一射中奔鹿世祖坐之膝上曰兒幼已然異

日出倫輩矣以銀酒器賜之既長風表奇偉善談辯

多智略孝敬謙謹人愛敬之康宗沒遼使阿息保來

本傳徑騎至康宗殯所閱贈馬欲取之太祖怒將殺之

宗雄諫而止二年甲午本紀太祖將舉兵本傳謂諸將佐

曰遼人知我將舉兵集諸路軍備我我必先發制之



無為人制本紀宗雄曰遼主驕侈又不知兵不能擒一

蕭哈里原作海里而我兵擒之可取也可取也三字本傳在又不知兵下依

詳校本太祖善其言攻甯江州渤海兵銳甚宗雄以

所部敗渤海兵以功授世襲千戶穆昆太祖敗遼兵

於珠赫店原作出河店宗雄摧鋒力戰功多達嚕噶原作達魯

古城之役命將右軍身先士卒遼兵已卻復助左

軍繞出其後擊之遼眾大潰宏簡錄乘勝逐北日已暮

圍之黎明遼兵突圍出追殺至頁嚕伯奇原作乙而呂伯石

還上撫其背曰朕有此子何事不濟以御服賜之及

遼帝以七十萬眾至圖們原作地們諸將皆曰遼兵勢盛

不宜速戰宗雄曰不然遼兵雖盛而皆庸將士卒惴

惴不足畏也戰則破之掌握閒耳上曰善追及遼帝

於呼岱巴原作護步答岡宗雄率眾直前短兵接宗雄令

前行者持梃擊遼兵馬首後行者射之大敗遼兵上

嘉宗雄功執其手勞之以御介冑及御戰馬寶貨奴

婢賜之舍音原作斜也攻春州宗雄與宗幹羅索原作婁室取

金山縣行近白鷹林獲候者七人縱其一人使歸縣

人聞大軍至迺潰遂下金山縣與舍音俱取泰州太

祖自將取臨潢府遣宗雄先啟行遇遼兵五千宗雄

與戰大軍亦至大破之及留守托卜嘉原作撻不野降上



以其女與宗雄賞其啟行破遼兵之功也既而與普

嘉努

原作蒲家奴

按視泰州地土奏曰其土如此可種植

也上從之由是徙萬餘家屯田泰州

宗雄等言四字依詳校本削

西京既降復叛時糧餉垂盡議欲罷攻宗雄曰西京

都會也若委而去之則降者離心遼之餘黨與夏人

得以窺伺矣乃立重賞以激士心既而夜中有火大

如斗墮於城中宗雄曰此城破之象也及克西京賜

宗雄黃金百兩衣十襲及女婢等與宗翰等擊耿守

忠兵七千於西京之東四十里大破之迎謁太祖於

鴛鴦渚從至歸化州疾篤宗翰問所欲言宗雄曰國

家大業既成主上壽考萬年四方肅清死且無恨天

輔六年薨年四十六太祖來問疾不及見哭之慟謂羣

臣曰此子謀略過人臨陣勇決少見其比賻贈加等

詔哈濟

原作合扎

千戶駙馬實嘉努

原作石家奴

護喪歸葬於

上京

史作歸化州依詳校本改

仍於死所建佛寺宗雄好學嗜書

嘗從上獵誤中流矢而神色不變恐上知之而罪及

射者既拔去矢託病歸家臥兩月因學契丹大小字

盡通之凡金國初建立法定制皆與宗幹建白行焉

及與遼議和書詔契丹漢字宗雄與宗翰希尹

原作古新

主其事而材武躡捷挽強射遠幾三百步嘗走馬射



三慶已中其二復彎弓馬蹶躍而下控弦如故遂發

滿步射獲之宗雄方逐兔達蘭原作亦從後射之已

發矢達蘭大呼曰矢及矣宗雄反顧以手接其矢就

射免中之其輕捷如此天眷中追封太師齊國公天

德二年加秦漢國王正隆二年改太傅金源郡王大

定八年史作二年依詳校本改追封楚王謚威敏配享太祖廟

廷十五年圖像於衍慶宮子富勒呼原作蒲魯虎安塔哈

原作按阿林原作阿鄰金史本傳長子富勒呼襲猛安卒孫和

勒端原作桓端襲卒子雲闢原作長頻未襲而死孫富德原作蒲帶

襲之宏簡錄富德大定末累官同簽大睦親府事章宗

初即位初置九路提刑司富德為北京臨潢提刑使

詔曰朕憂勞萬民每念刑獄未平農桑未勉吏或不

循法度以隳吾法朝廷遣使廉問事難周悉惟提刑

勸農采訪之官自古有之今分九路專設是職爾其

盡心往懋乃事自熙宗時遣使廉問吏治得失世宗

即位凡數歲輒一遣黜陟之故大定之間郡縣吏皆

奉法百姓滋殖號為小康或謂廉問使者頗以愛憎

立殿最上以問宰相上字依詳校本增宰相曰臣等復為陛

下察之是以世宗嘗欲立提刑司而未果章宗追述

先朝遂於即位之初行之及九路提刑使朝辭於慶



和殿上曰建立官制當寬猛得中凡軍民事相涉者均平決遣鈐東家人部曲勿使沮擾郡縣事今以司獄隸提刑司惟冀獄犴無冤耳既退復遣近臣諭之曰卿等皆妙簡才良付以專責盡心舉職別有旌賞否則有罰明年富德乃龔明安云金史本傳

阿林原作阿鄰宗雄子宗雄傳穎悟辯敏通女直契丹大小

字及漢字幼時嘗入宮熙宗見而奇之曰是兒他日必能宣力國家年十八授定遠大將軍為順天軍節度使天德二年用廉遷益都尹兼山東東路兵馬都總管歷泰甯定海鎮西安國等軍節度使海陵南伐

以為神勇武平等軍都總管由壽州道渡淮與勸農使伊喇原作移刺元宜合兵三萬為先鋒是歲十月至廬

州與宋將王權軍十餘萬戰於柘皋鎮蔚子橋至和州南復與王權軍八萬餘會戰又敗之追殺至江上斬首數千級世宗即位於遼陽史作上即位依詳校本改海陵死

大軍北還將渡淮而舟楫甚少軍士爭舟不得亟渡阿林得生口知可涉處識以柳枝命本部涉濟既至北岸而諸軍之爭渡者果為宋軍邀擊之及入見上聞阿林淮上戰功又以全軍還遷兵部尚書監督經畫征斡罕原作窩斡諸軍糧餉授以金牌一銀牌四斡罕



敗還至懿州以疾卒喪至京師上命致祭於永安寺

百官赴弔賻銀五百兩重綵三十端絹百匹

金史本傳

安塔哈

原作按答海

又名鄂勒歡

原作阿魯綰

宗雄次子也性

端重不輕發有父之風年十五太祖賜以一品繖二

十餘御毬場分朋擊毬連勝三筭宗工舊老咸異之

進呈所勝禮物安塔哈為班首太宗喜曰今日之勝

此孫之力也賞之獨厚天眷二年襲父明安除太宗

正丞以明安讓兄子和勒端

原作桓

加武定軍節度使

奉朝請改侍衛親軍都指揮使封金源郡王進譚王

遷同判大宗正事別授世襲明安海陵將遷中都安

塔哈諫曰棄祖宗興王之地而他徙非義也海陵不

悅留之上京久之進封鄆王改封魏王除濟南尹安

塔哈不堪卑溼多在病告海陵聞之改西京留守正

隆例奪王爵改廣甯尹世宗即位於東京赦令至廣

甯

金史本傳

其弟雅爾堅

原作燕京

勸拒弗受言甚指斥安塔

哈曰此府迫近遼陽勢不能抗聊且受之從諸郡上

謁東京有司議持兩端請併誅之上以安塔哈為弟

所惑若正隆剪刈宗室朕不可效特命釋之獨誅雅

爾堅

宏簡錄

不數日復判大宗正事再遷太子太保封

蘭陵郡王改勸農使海陵時自上京徙河間土瘠詔



安塔哈一族二十五家從便遷居近地乃徙平州詔給平州官田三百頃屋三百間宗州官田一百頃進金源郡王致仕大定八年召見上曰宗室耆老如卿者能幾人耶賜錢萬貫甲第一區留京師使預巡幸毬獵宴會十四年薨年六十七臨終戒諸子曰汝輩勿以生富貴中而為暴戾宜自謙退海陵以猜忌翦滅宗室我以純謹得免耳汝輩惟日為善勿墜吾家

金史本傳

舍音一名杲

原作斜也

世祖第五子太祖之母弟也

金史本傳

從太祖伐遼

威赫傳

始至遼界一戰而勝

薩哈傳

收國元

年太宗為安班貝勒杲為溫

原作吳

貝勒

薩哈傳作晨太祖紀作國

論天輔元年杲以兵一萬攻泰州下金山縣孟古

女脾室四部及渤海人皆來降遂克泰州

金史本傳移城

中積粟於烏哩雅

原作烏林野

振先降諸部因徙之內地

五年為烏赫哩

原作胡魯

貝勒都統內外諸軍取遼中京

宏簡錄

實北京也

金史本傳

謀知遼人欲焚芻糧徙居民遷

去奚王錫默

原作霞未

則欲視我兵少則迎戰若不敵則

退保山西其實皆無鬪志杲乃委輜重以輕兵擊之

六年正月克高恩回紇三城遼兵聞風不戰而潰遂

克中京獲馬一千二百牛五百驢一百七十羊四萬



七千車三百五十兩乃分兵屯守要害之地駐兵中  
京使使奏捷獻俘詔曰汝等提兵於外克副所任攻  
下城邑安撫人民朕甚嘉之分遣將士招降山前諸  
部計已撫定山後若未可往卽營田牧俟秋大舉更  
當熟議見可則行如欲益兵具數以上無恃一戰之  
勝輒自弛慢善撫存降附宣諭將士使知朕意完顏  
罕都原作游兵出中京南遇騎兵三十餘給曰明日  
來降於此金史本傳杲信之使溫特赫額呼春原作溫迺  
等往迎兵乃圍之納哈塔原作通恩原作等下馬據  
坂皆殊死戰因敗錫默追殺至暮而還宏簡宗翰降

北安州金史本傳移書請進兵襲遼主杲意未決宗幹勸

杲當從其策乃約共會奚王嶺始定議出青嶺期羊

城灤會軍襲擊遼主由草灤西走其都統瑪格原作馬哥

趨道蘭原作宗翰遣達蘭原作撻懶往擊兵祇一千杲益

之獲遼樞密使德勒岱等宏簡錄西京已降復叛杲使

招之不從遂攻之留守蕭察喇踰城降四月復取西

京杲率大軍趨白水灤分遣諸將招撫未降州郡及

諸部族於是遼秦晉國王耶律聶哱原作捏里自立於燕

京金史本傳天祚旣奔夾山宰相李處溫都統蕭幹率燕

京數百人勸進聶哱自號天錫皇帝改元建福大金志紀



山西諸城雖降而人心未固杲遣宗望奏事仍請上

臨軍耶律坦招西南招討司及所屬諸部西至夏境

皆降耶律佛德原作佛頂亦降於坦金肅西平二郡漢軍

四千叛去坦與愛新鄂約原作阿沙兀野托卜嘉原作撻不野簡

料新降丁壯迨夜襲之詰旦戰於河上大敗其眾皆

委仗就擒耶律聶哱移書於杲請和杲復書責以不

先稟命上國輒稱大號若能自歸當以燕京留守處

之聶哱復以書來其略曰昨卽位時在兩國絕聘交

兵之際奚王與文武百官同心推戴何暇請命今諸

軍已集倘欲加兵未能束手待斃也昔我先世未嘗

殘害大金人民寵以位號日益强大今忘此施欲絕

我宗祀於義何如也倘蒙惠顧則感戴何有窮已杲

復書曰閣下向為元帥總統諸軍任非不重竟無尺

寸之功欲據一城以抗國兵不亦難乎所任用者前

既不能死國今誰肯為閣下用者而云主辱臣死欲

恃此以成功計亦疎矣幕府奉詔歸者官之逆者討

之若執迷不從期於殄滅而後已聶哱乃遣使請於

太祖賜聶哱詔曰汝遼之近屬位居將相不能與國

存亡乃竊據孤城僭稱大號若不降附將有後悔六

月上發京師詔都統曰汝等欲朕親征已於今月朔



旦啟行遼主今定在何許可以計取之其具以聞杲

使馬和尙奉迎太祖於塔魯原作撻魯河斡魯羅索原作婁室

敗夏將李良輔杲使完顏希尹原作古新等奏捷且請徙

西南招討司諸部於內地希尹等見上於大灤西南

上嘉賞之上至鴛鴦灤杲上謁上追遼主於古爾珍

原作回川南伐燕京次奉聖州詔曰自今諸訴訟書

付都統杲決遣若有大疑卽令聞奏太祖定燕京還

次鴛鴦灤以宗翰爲都統杲從上還京師太宗卽位

以杲爲安班貝勒與宗幹俱治國政天會三年伐宋

杲領都元帥居京師宗翰宗望分道進兵四年再伐

宋獲宋二主以歸天會八年薨皇統二年追封遼越

國王天德二年配享太祖廟廷正隆例封遼王太定

十五年圖像衍慶宮五字依詳校本增諡曰智烈子博濟原作

字吉金史本傳

瓚都一名昂原作奔睹景祖弟伯赫原作李黑之孫咱幹原作斜幹

之子金史本傳年十五侍太祖會令數人兩兩角力太祖

顧之曰汝能此乎對曰有命敢不勉遂連仆六人太

祖喜曰汝吾宗弟自今勿遠左右居數日賜金牌令

佩以侍宏簡錄年十七太祖伐遼謂之曰汝可擐甲從

軍矣昂遂佩所賜金牌從軍天輔六年金史本傳都統杲



遣與思忠詣宗翰追遼主於鴛鴦灤平燕策功賜甲  
第一區天會二年南京叛棟摩遣與劉彥宗分兵討  
之宗望伐宋承制拜爲河南諸路兵馬都統稱金牌  
郎君及攻汴以兵三千爲宗弼前鋒時遣使入城宋  
人不納比暮昂兵千人先馳至北門諭之以事遂得  
入宏簡錄宗望至汴合棟摩達蘭原作撻懶等屯於城之東  
北隅慮宋主遁去遣昂等率輕騎環城巡邏所領止  
八穆昆遇敵萬人與戰敗之其步軍溺死於汴者過  
半七年大軍渡江敗宋兵於江上帥府遣昂等以兵  
追宋主宋主入於會稽若爲堅守計有兵數千列陣

於郭東竹葦間諸將欲擊之昂曰此詐也不若急攻

城不然將由他門逸去諸將猶豫未決而宋主果於

他門以單舟入海不獲而還宗弼經略熙秦遣昂與

薩里罕原作撒離喝領兵八千攻取河西郡縣遂取甯洮

安隴二寨進至河州其通判率士民迎降攻樂州其

都護及河州安撫使郭甯偕降復進取三寨至西甯

州都護許居簡以城降吐蕃酋長之孫趙鈐轄率其

所部木波首領五人來降昂別領軍四千往積石降

其軍及所部五寨官吏追吐蕃鈐轄等十二人至廓

州招之不下攻取之天眷元年授鎮國上將軍除東



平尹明年夏宋將岳飛以兵十萬號稱百萬來攻東平城中軍止五千倉卒出禦之時桑柘方茂昂使多張旗幟於林間以爲疑兵自以精兵陳於前敵不敢動相持數日而退昂勒兵襲之至清口宋兵泛舟逆水而去時霖雨晝夜不止昂乃附水屯營夜將半忽促眾北行諸將諫曰軍士遠涉泥淖饑憊未食恐難遽行昂怒不應鳴鼓督之下令曰鼓聲絕而敢後者斬遂棄營去幾二十里而止是夜宋人來劫營無所得而去諸將入賀且問其故昂曰沿流而下者走也沂流而上者誘我必追也今大雨泥淖彼舟行安我陸行勞士卒饑乏弓矢敗弱我軍居下流勢不便利其襲我必矣眾皆稱善岳飛復以兵十萬圍邳州甚急城中兵纔千餘守將懼遣人求救昂曰爲我語守將我嘗至下邳城西南隅有塹深丈餘可速實之守將如其教填之敵果自此穴地以入知有備遂止昂舉兵以爲聲援宋兵乃退在東平七年改益都尹遷東北路招討使改崇義軍節度使遷會甯牧天德初改安武軍節度使遷元帥右都監轉左監軍授上京路移里閔幹魯瑋原作河世襲明安海陵曰汝有大功一明安不足酬也益以四穆昆昂受親管穆昆餘



三穆昆讓其族兄弟拜樞密副使轉太子少保進樞密使尚書左丞相久之拜太尉封瀋國公進太保判

大宗正事封楚國公累進封莒衛齊兼樞密使太保

如故金史本傳海陵南伐為左領軍大都督因辭濟江舟

小海陵怒詔與富勒琿原作蒲盧渾明日先濟昂懼欲亡

去抵暮海陵遣人止之既而軍變使人至南京殺太

子光英遣其子宗浩與堦牌印祇候輝罕原作回海奉表

入賀見日世宗深加慰勞進封漢國公宏簡錄拜都元

帥太保如故置元帥府於山東經略邊事未幾奉遷

睿宗皇帝梓宮於山陵以昂為救葬使事畢還山東

三年召至京師以疾薨年六十四上為輟朝親臨奠

賻銀千兩重綵五十端絹五百疋昂在海陵時縱飲

沈酣輒數日不醒海陵聞之常面戒不令飲得閒輒

飲如故大定初還自揚州妻子為置酒私第未數行

輒臥不飲其妻大氏海陵庶人從母姊也怪而問之

昂曰吾本非嗜酒者但向時不以酒自晦則汝弟殺

我久矣今遭遇明時正當自愛是以不飲聞者稱之

睦於兄弟尤善施予其親族有貧困者必厚給之至

於茵帳衣衾器皿僕馬之屬常預設於家即命駕相

就為具歡樂終日盡以遺之即日使富足人或以為



子孫計爲言答曰人各有命但使其能自立爾何至  
爲子孫奴耶君子以爲達

金史本傳

子孫計爲言答曰人各有命但使其能自立爾何至  
爲子孫奴耶君子以爲達



